

საქართველო



საპოლიტიკო, საგეგნო და სალიტერატურო ნახატებიანი გაზეთი გამოდის ქოველ კვირაღმას.

№ 12

მ ა რ ტ ი 21 1899 წ.

№ 12

შინაარსი: ქუთაისის საადგილ-მამულო ბანკი და ინტელიგენტთა პარტიები გ. წერეთლისა.—სხვა და-სხვა ამბები.—წერილი ბათომიდან, თიგულსა.—ქუთაისი 1899 წ. ი კაკაბაძისა.—გვირიდან კვირამდე.—„თვალეში“ ლექსი დ. თომაშვილისა.—პასუხი იურიეის (დორპატის) სტუდენტების ცილის წამებაზე ან. წერეთლისა.—პირიშვე, რომანი (შემდეგ) გ. წერეთლისა.—დაუსრულებელი სტოპენდია და საეცნოვო სამშობლოს სიყვარული გ. გელეიშვილისა.—წერილი იურიევიდან ს. დ-ნისა.—გვალის ფოსტა და განცხადება.

რედაქციის ადრესი: არტილერიის ქუჩა № 5, იმის პირდაპირ, სადაც წინეთ რედაქცია იმყოფებოდა.

ქუთაისის საადგილ-მამულო ბანკი და ინტელიგენტთა პარტიები. *)

II.

ზიხსნა თუ არა ქუთაისის ბანკი, ვინც კი საჭიროებდა ფულს, ყველა ბლუთ მიესია სესხის გამოსატანათ. ახალ აღორძინებულ მრეწველობა-ვაჭრობას ფული ეჭირებოდა. ფული საჭირო იყო წვრილი ადგილ-მამულის მეპატრონე აზნაურობისთვის, რადგან მას აკლდა მოქირავე მუშები თავისი ადგილ-მამულის უკეთ შემუშავებისათვის; ფული ეჭირებოდა ამავე მიზნით გლეხს, რომელიც ან წვრილალ ვაჭრობას იწყებდა, ან ადგილ-მამულს იძენდა; ფული ეჭირებოდა აგრეთვე დიდი ადგილ-მამულის მეპატრონეებს, რადგან ისინი ჩვეულონი იყვენ განცხრომით ცხოვრებას და მუქთი მუშა ხელიდან გამოცლოდათ.

ამ ხანებში ბანკის კრებებზე განუსაზღვრელათ

ბატონობდენ დიდი გვარისა და ადგილ-მამულის მეპატრონეები. იმათ გაგლენას ქვეშ ამოიჩრა ბანკის გამგეობა, ზედამხედველი კაპიტეტი და დამფასებელი კამისიის წევრები. პირველში ქუთაისის ბანკის წესდების ძალით დამფასებლები მეკენჭეებისგან ირჩეოდენ. სანამ საარჩევნო სხდომებს თაფში უდგენ გაგლენის მექონე გვარიშვილები, ისინი დამფასებლებს თავისიანებიდან ირჩეოდენ. ამსახით მაშინდელი დამფასებლებიც სულ წარჩინებული გვარიშვილები იყვენ—ბაკრატიონი, დადიანი, წულუკიწე, გუგუნაეა, ერისთავი და ყველა ამისთანები. ადგილ-მამულის მეტ-ნაკლებათ დაფასება და სესხის გადიდება სულ ამათი საქმე იყო. ისანი თუ ვინმე წარჩინებულ გვარიშვილს სესხს გადაუწყვეტდენ, გამგეობა და ზედამხედველი კომიტეტი მაინცა-და-მაინც ბევრს ველარას ამბობდენ საწინააღმდეგოთ. სესხის ჩამოკლების იმათ ძალიან ერიდებოდათ, რადგან იცოდენ, რომ ეს გაგლენიან მსესხებელს გააჯაერებდა და მისი გაჯაერება ხომ მთელი მისი მეგეარე და მონათესავე კაცების გაჯაერება იყო. მაშინ გვარში ყოველთვის უფროსი კაცი თაოსნობდა და დისციპლინის

*) ის. „გებალი“ № 11,

შემდგენი საგვარეულო ეტიკა იყო. ჯერ ახლაც ბევრს ახსოვს, თუ რა ძლიერი შემაერთებელი ძალა იყო ასეთი პატრიარხალური წეს-რიგი. ხშირათ მომხდარა, რომ კრებაზე ერთ რომელსავე პატივცემულ მოხუცებულ თავადიშვილს წარბი შეეხაროს უსიამოვნების ნიშნათ, ანუ უღელაშზე ხელი დაედევას მუქარის ნიშნათ და იმავე წამს სამოციოთხმოც წევრს მის მეგვარე კაცს ხანჯალზე ერთათ ხელი დაედევას. ეს არ ახსოვს, პატივცემულ ბახვა ფალავას და მის ხელის გაქნევას რა დიდი მნიშვნელობა ჰქონდა ბანკის კრებებზე. ეს თავადიშვილის გვარი ყველა გვარებზე უფრო მრავალ-რიცხვოვანი იყო. ბახვა ფალავა რომ დაიძროდა, სამოცი კაცი მისი მეგვარე ფალავა ერთათ უკან აედევნებოდა; ამათში ყველას ჰქონდა კენჭი, ზოგს ორ-ორიც, და ახლა, თვით იფიქრეთ, რა დიდი გავლენა ექნებოდა ამ გვარს და მის უფროს კაცს, რომელიც გვარში პატრიარხათ ითვლებოდა. ამგვარივე პატრიარხალური დაცვილობა ჰქონდათ დადიანებსაც, გელოვანებსაც და გურიელებსაც. ამ ფეოდალურ-პატრიარხალურ გავლენის დროს, როგორც დამფასებელი კამისია, ისე კამიტეტ-გამგეობა, ბევრათ თუ ნაკლებათ, ნებისაებრ დიდი თავადიშვილის გვარებისა მოქმედებდნენ. იმათი მამულებიც შედარებით უფრო მეტათ ფასობდა, ისინი მეტ სესხსაც იღებდნენ და შალაფათიც ნედლომკების ვადახდაში იმათ მეტი ჰქონდათ. ხშირათ მომხდარა, რომ შესატანი სარგებლის ნახევარით და მესამედითაც კმაყოფილდებოდა ბანკის გამგეობა. ამ სახით დიდ მამულებზე და დიდი მამულის მეპატრონეებზე ნედლომკები ძალიან მალე გადიდდნენ.

უეჭველია, რაც დიდ მსესხებელს შალაფათი ეჭირებოდა, იმავე სალაფათს ითხოვდა წვრილი მსესხებელი ვაჭარი, თუ მრეწველი. მაგრამ მაშინდელი გამგეობა და დამფასებელი კამისია იმათ საჭიროებას ყურადღებასაც არ აქცევდა. ბევრჯელ ისინი ბანკის დარბაზის კიბიდანაც კი ჩამოუყდიათ უპატივცემულოთ და ასეთი შეტყეებით: „არ იქნება, რომ ნედლომკაში რაიმე სალაფათი მოგეცეს; ან სულ შემოიტანეთ, ან მამული გაგყიდებათ“. ამას გარდა, როცა წვრილი მრეწველი ახნაური, ან ვაჭარი, თუ თავისუფალი გლეხი, შეეხვეწებოდა რომელსავე წარჩინებული გვარის დამფასებელს, იქნება მეტათ დამითვასოთ მამული და მეტი სესხი მომცენო, რადგან ფულის რაოდენობა ამა-და-ამ საქმისთვის მეჭირებოდა, — იმას ან შეურაცხყოფას მიაყენებდნენ და ან ისიც შესძლო იყო, რომ დამფასებელი საიდუმლოთ მოურიდებოდა ვაჭარ-მრეწველს და მოახერხებდა სესხის წამატებას. ვკონებ, ბევრს ესომება თ. ბ. დ. ს. დამფასებლობის თანამდებობიდან გადაყე-

ნება ამგვარი საქციელისთვის. რომ ასეთ ფაქტებს ბანკისთვის ცუდი შედეგი არ ჰქონოდა, ბანკის გამგეობამ საზოგადოებას ურჩია წესდების შეცვლა იმრიგათ, რომ დამფასებლები გამგეობასა და ზედამხედველი კამიტეტის წევრებისაგან ყოფილიყო ამორჩეული. მაგრამ ამას შემდეგაც დამფასებლებათ დიდი ფეოდალების კლიენტები ირჩეოდნენ. ასეთ გარეგობაში იყო მაშინდელი თავად-ახნაურობის ინტელლიგენცია, რომელიც აწარმოებდა ბანკის საქმეებს და ეს ძლიერ აწუხებდა წვრილ-მრეწველ-მოვაჭრე წოდებას. მაშინ იმათკენ სასწორს არაფერი ხრიდა ბანკში. უპირატესობა სესხის გადიდებისა და ნედლომკების შეტანის სალაფათისა მართო დიდი ადგილ-მამულის და გავლენის მექონე თავად-ახნაურობას ეძლეოდა. მაგიერათ ასეთმა ქცევამ ქუთაისის საადგილ-მამულო ბანკის გამგეობისამ მალე მოიტანა თავისი ცუდი ნაყოფი. ვინც კი იყო დიდი ადგილ-მამულის მეპატრონე თავადიშვილები, რომელთაც დიდი სესხები გამოიტანეს, ყველამ ჩატოვა ბანკში თავისი მამულები. ამისგამო ქუთაისის ბანკმა დიდი ზარალი ნახა. მისი ბალანსის ცუდი მხარე არ გამოვარა სამინისტროს, რომელმაც ფიცხელი ბრძანება გამოუგზავნა მაშინდელ ბანკის გამგეობას და დაუწუნა დაფასება; ამას გარდა დაავალა საჩქაროთ გაჰყიდეთ ბანკზე დარჩენილი მამულებიო. ამ დროს ბანკს ჩარჩა დადიანების, გელოვანების, მაჩაბლების, ერისთავების და მრავალი სხვა თავადიშვილების მამულები. მეოთხმოცე წლებში ბანკის გამგეთ შეიქნა თ. დიმიტრი დადიანი და ყოველივე ნაკულუღიანება წინანდელი გამგებლებისა მას მოეხება თავზე. 1882 წელს სამინისტრომ სხვა მკაცრ საყვედურებთან ერთათ ქუთაისის ბანკის გამგეობას აუკრძალა სესხის გაცემა, სანამ ბანკზე დარჩენილ მამულებს არ გაჰყიდი და ბანკის ზარალს არ მოაშთობო. ეს ნიშნავდა ფაქტიურათ ბანკის დახურვას. აი, ამ დროდან ქუთაისის ბანკმა წელი ველარ წამოიჭრა. თ. დიმიტრი დადიანი არ იყო არც კარგი მკოდნე ბანკის ოპერაციებისა, არც მშრომელი და ენერჯის კაცი. ამასთანავე ის ცოტა ავანტიურა იყო. თუმცა რამდენსავე წელს შემდეგ, როცა მინისტრი ეიშენკრადსკი ბათუმს ჩამოვიდა, ნ. ნიკოლაძის და სხვების დახმარებით მან აიღო ნებართვა ყოველ-წლიურათ სამასი ათასი მანეთის სესხის გაცემისა, მაგრამ ეს მაინც ბევრს არას ეხმარებოდა ქუთაისის ბანკის საქმეების წარმატებას. ამასთანავე დადიანმა არამც თუ წვრილ მსესხებლებში აღძრა დიდი უკმაყოფილება უყურადღებობით, არამედ თვით თავის მომხრე დიდ მამულის მეპატრონეებშიაც მოიმკო საყვედური, რადგან მან ვერ ესარგებლა კარგი შემთხვევით და ქუ-



თარსს თავად-აზნაურობას ხელიდან დააკარგვინა ისეთი ძვირფასი მამული, როგორც იყო ქუთაისის კლასიკური ღმერთის შენობა, მისი ორწყება დუქნებიანა, სამეფო შენობიანა და აბანოებიანა. ეს ისტორიული განძი ქუთაისის თავად-აზნაურობის ხელში შეადგენდა მილიონის საღირაოს, რომელიც შეეძლო მას, დიმიტრი დადიანს რომ მოენდომებინა, ასე ათას მანეთათ დაერჩინა. ასეთი წინადადება თვით ამ მამულის მესპატრონებმა, თ. თუმანიშვილებმა და აკოფაშვილებმა, წარუდგინეს გამგეობას და ბანკის კრებებზედაც არაერთხელ წააქეზეს თვით საზოგადოება. კრებამ ჩამდენჯერმე კიდევ დაადგინა ამ მამულის ბანკში დაგრაება და ბოლოს გამოყიდა, მაგრამ დიმიტრი დადიანმა არ დასრულა კრების განჩინება. ამ დროს მთავრობა დაინტერესდა ამ მამულზე და კიდევ შეიყიდა უფრო ძვირათ, ვიდრე თავად-აზნაურობას უთმობდნენ.

ამასობაში ბანკის კრებებზე თან და-თან უფრო იმატა ხმამ წვრილალ-მრეწველ-აზნაურობისამ და ვაჭრობისამ. მაშინ როდესაც დიდი გვარიშვილები სესხულობდნენ ფულს მხოლოდ ვალების გადასახდელათ და განცხრომით ცხოვრებისათვის, წვრილი მრეწველი აზნაურობა გლენობა და ვაჭრობა ბანკიდან ნასესხი ფულით თავის სამრეწველო და სავაჭრო საქმეებს წინ აყენებდა, ცხოვრებას იუმჯობესებდა, ადგილ მამულებს იძენდა, ალებ-მიცემობას აღიდებდა. რაც უფრო მრავლდებოდნენ ამ წრის, ანუ კლასის, მსესხებელი, მით უფრო ერთსულობით იცავდნენ ესენი ბანკის კრებებზე თავის ინტერესებს და არაფრათ ეჭაშნიკებოდნენ დიმიტრი დადიანი და მისი მომხრეები. ვაჭარ მრეწველთა პარტიის ინტერესი იყო, რომ ბანკის გამგეობაში თავისი კაცები ჰყოლოდა; ამიტომაც იმან დაიწყო ამიერიდან ისეთი კაცების ძებნა, რომელნიც მზათ იყვნენ ვაჭარ-მრეწველთა კლასს მიდგომოდნენ, საღვათი მიეცათ ხალხმე მისთვის, როგორც სესხის ალების დროს, ისე ნელო-იმკების შეტანაში. ვაჭარ მრეწველთა არა ერთხელ გამოსცადეს პრაქტიკულათ, რომ არც დიმიტრი დადიანი და არც იმის მომხრენი მათ არას არგოდნენ. ეს ის დრო იყო, როცა ალებ-მიცემობა და სამეურნეო სამადნო მრეწველობა ვითარდებოდა, მაგრამ ჯერ კიდევ მათ ფენი არ ჰქონდათ და არც დღემდის აქეთ მომაგრებული.

ყოველი ჩენი მწარმოებელი, როგორც ვიცით, დამოკიდებულია ბაზარზე და მყიდველზე; მაგრამ თავის დროზე არც ბაზარი აძლევს მრეწველ-მწარმოებელს და ვაჭარს სრულ საღირაო ფასს საქონელში და არც მყიდველი; მაშინ როდესაც მას სხვა მრავალ საოჯახო-სამრეწველო მოთხოვნილება-

სთან დაგრაებული ქონების გაყიდვის შიშიც აწუხებს, რადგან სესხის შესატან სარგებელს დანიშნულ ვადაზე სრულათ ვერ შოულობს. მას ამ შემთხვევაში ეჭირება საკრედიტო დაწესებულებიდან მიუცილებელი დახმარება. თუნდ სარგებლის ნაწილის ცოტახნით გადაუხდებლობასაც დიდი მწიშნელობა აქვს მისთვის. ამ კლასის მსესხებლები მეოთხმოცე წლების მიწურულში ისე გამრავლდნენ ქუთაისის საადგილ-მამულო ბანკში, რომ რიცხვით ბევრათ მეტი შეიქნენ დიდ და საშუალო მამულიან დამფუძნებელ-მოსესხე თავად-აზნაურობაზე. ამიტომაც იმათ ამ დროს დაიწყეს აქეთ-იქით ცქერა, დაიწყეს მომავალ კრებისთვის ისეთი კანდიდატების ძებნა ბანკის გამგეობის წევრებათ, რომელნიც მათ საჭიროებას საკმაო ყურადღებას მიაქცევდნენ, გაჭირვების დროს ხელს გაუმართავდნენ, რომელნიც ეცდებოდნენ ყოველნაირი შესაძლებელი საღვათები მიეცათ წვრილი აზნაურობისთვის და მოვაჭრე ხალხისთვის, რომ იმათ გაადვილებოდათ თუნდ სარგებლის ნაწილის ასეთ-ისე ვადაზე შეტანა და სამრეწველო სააღებმიცემო მუშაობის დროს თავისი დაგრაებული უძრავი ქონებაც არ დაკარგვოდნენ. ისინი ამ შემთხვევაში, როგორც ზემოთ მოვიხსენეთ, არ იყვნენ კმაყოფილი არც დალოდებრიდების, არც დადიანის, რადგან ესენი უფრო ფეოდალებს, დიდ-მამულიან მებატონეებს, და შეძლებულ თავად-აზნაურობას სცემდნენ პატივს და იმათ უმართავდნენ ხოლმე ხელს. ასეთი გარემოება დიდი ხანია შეეჩინა მათთვის წვრილალ მრეწველ აზნაურობას და ვაჭრობას. ამათი ინტერესები სხვა იყო, დიდ-მამულიანი ფეოდალების კიდევ სხვა. ამ სახით ბანკის მეკენჭები კრებებზე ბუნებითათ გაიყვნენ ორ დასათ, რომელთა ინტერესები ერთი-მეორის წინააღმდეგნი შეიქნენ.

ერთ დასში მოხედნენ წვრილი აზნაურობა, გამოსული შრომის ასპარეზზე, და ვაჭრები. ამ ვაჭრებს შეადგენდნენ უმთავრესათ მეგრელები, იმერლები, გურულები, აფხაზები, ურიები და სომხები. ესენი ყველანი ერთი საზოგადო ინტერესით იყვნენ გაჰსკვალულნი და ამიტომაც მტკიცეთ შეერთდნენ, შეკავშირდნენ. ასე დაარსდა ერთი ახალი სოფლის მრეწველთა და მოქალაქეთა კლასი, რომელშიაც ადგილათ მოთავსებულნი იყვნენ ყველა ისინი, რომელნიც დადგომოდნენ შრომის და მოგების გზას. მეორე დასში მოექცა ძველი მებატონეთა გუნდი, ესე იგი დიდებული გვარის ფეოდალები, დიდი ადგილ-მამულის თავად-აზნაურობა.

მეოთხმოცე წლებში ჯერ კიდევ ესენი ბატონობდნენ საადგილ-მამულო ბანკის კრებაზე, ჯერ კიდევ ამათ ინტელლიგენციას ჰქონდა ხელში ბანკი



მაგრამ, როგორც ვთქვობოდა, ეს დასი, ადრე თუ გვიან, უნდა დამარცხებულიყო, რადგან ახალი კლასი მეკენჭეებისა ვაჭარ-მრეწველთა და წერილ-მეურნეთა თან-და-თან ძლიერდებოდა ბანკის კრებებზე.

1890 წლის დამდეგს, როცა მოახლოვდა ბანკის არჩევნები, კალლისტრატე ჩიკვაიძე შეიქნა ქუთაისის საადგილ-მამულო ბანკის კამიტეტის წევრად და თავისი მოქმედებით მალე მიიპყრო წერილ-მრეწველთა და ვაჭართა კლასის ყურადღება. ეს კლასი სწორედ ეძებდა ასეთ კაცს საადგილ-მამულო ბანკის გამგებლად. ამ დროს დიმიტრი დადიანზე ყველანი უკმაყოფილოდ იყვნენ. მრეწველ-ვაჭარი კლასი კალლისტრატე ჩიკვაიძეს უფრო მიემხრო, რადგან დიმიტრი დადიანს და მის მომხრე ინტელიგენტებს ვერ ენდობოდა. ის მაგალითად თუმცა დიდთ აფასებდა თ. კირილე ლორთქიფანიძის საქმიან და გონიერ ლაპარაკს ბანკის კრებებზე, მაგრამ როგორც ბანკის გამგებელი არ უნდოდა:—ეგ, ბატონო, თავისი ბეჯითობით სულს ამოგვართმევსო, ნედრობის შეტანას არ გვაცლის და დაგირავებულ უძრავ ქონებებს სულ ვაგვიყიდისო, — ამბობდნენ წერილი ადგილ-მამულის მსესხებლები და ვაჭრები. — მეტისმეტმა სიწმინდემ იერუსალიმი დააქციაო — დასძენდნენ ებრაელები. მაშინ თ. კირილე ლორთქიფანიძის კვალს მიჰყვებოდნენ მეოთხმოცე წლების ის ინტელიგენტები, რომელთაც შემდეგ შეადგინეს ესრეთ წოდებული ქუთაისის ოპოზიცია, ანუ კალისტრატე ჩიკვაიძის წინააღმდეგ მებრძოლი ჯგუფი. ამას მაშინაც ძალიან შორს ეჭირათ თავი მრეწველ-ვაჭართა მსესხებლებსგან. ასეთი იყო გარემოება, როდესაც 1890 წლის ბანკის ამორჩევებზე გავარდა ხმა, რომ კ. ჩიკვაიძე გამოდის ბანკის გამგებლის კანდიდატად. ამ ხმამ ძალიან გააოცა მაშინდელი დიდმამულებიანი თავად-აზნაურობა, რომელიც, თუმცა არ იყო კმაყოფილი თ. დიმიტრი დადიანზე, მაგრამ მის საწინააღმდეგოთ უფრო სხენაირი კანდადატს ეძებდა. ერთი რომ ბანკის გამგებლობაზე საკანდიდატო კაცი უნდა ყოფილიყო ისევე თავადიშვილების გვარიდან, ან და წარსულში დამსახურებული კაცი და იმისთანა მაინც, რომელიც წარსულ ამორჩევებში მეტოქეთ ყოფილიყო და ერთ ნაწილ თავად-აზნაურებთან კარგი დამოკიდებულება ჰქონოდა. ასეთი საკანდიდატო კაცები იყვნენ თ. კ. ლორთქიფანიძე, დ. ნ. ბაქრაძე, თ. პ. ა. თუმანიშვილი, ლ. თ. ლოლუა და ან სხვები, სულ ძველის-ძველი დამსახურებული მოღვაწეები. კ. ჩიკვაიძეს, როგორც ახალ კაცს, არც მაშინდელ თავად-აზნაურობის ინტელიგენციაში, არც დიდ თავად-აზნაურობაში ფასი არ ჰქონდა, ამას საცინ-

ლათაც არ ყოფნიდათ ისეთი კაცის კანდიდატობა, რომლის მამა-პაპა თითქმის საბატონო აზნაურშვილის გვარიდან ჩამომავლობდა. ვინ არის ჩიკვაიძე, ვისი შვილია? აზნაურუკასი ბატონო, რა გვეცოდინებაო? ამასვე იმეორებდა მაშინდელი ლიტერატურაში დამსახურებული ინტელიგენცია, მხოლოდ სხენაირი საბუთების ზედ-დართვით: ვინ არის კ. ჩიკვაიძე, რა დამსახურება მიუძღვის მას ან ლიტერატურაში, ან ჩვენი დიდებული თავად-აზნაურობის წინაშეო. ან კ. როგორ იფიქრა „აბლაკატმა“ ბანკის გამგებლობაზე კანდიდატობაო? დიდი თავად-აზნაურობა იმას მეტიხართ თვლიდა, ინტელიგენცია კი „Parvenu“-ს, „высочка“-ს ეძახოდა. ყველანი კი დაცინოდნენ მის კანდიდატობას. რომ სულ ხალისი დაეკარგინებიათ ამ უმაწილი კაცისათვის კენჭის ყრაზე ბან. ნ. ნიკოლაძემ საოცარი დაცინების სტატია დასტამბა ახალ-მიმოხილვაში: „козь истратилъ пройдешь“. ის ამ სტატიაში ერთი, რომ უპატიურათ იხსენებდა კ. ჩიკვაიძის მომხრეებს და მეორე თვით ჩიკვაიძეს აბრალებდა შავი ხალხის მოყიდვას. რამდენათაც დიდი თავად-აზნაურობა და მაშინდელი მისი ინტელიგენცია კმაყოფილი იყო ამისთანა სტატიით, იმდენათ ახალი აღორძინებული კლასი მრეწველ-ვაჭართა და მრავალ-რიცხოვან წერილ-მამულიან აზნაურთა გბრახდა. როგორ თუ ჩვენ „ბრბოს“ გვიწოდებენო, როგორ თუ ჩვენ ამორჩეულ კანდიდატს გვილანძღვენო? აბა, ვნახოთ. თუ ასეა, მაშ საარჩევნო ყუთებთან მოერიგდეთო — იძახოდა ის.

თუმცა ხმები იყო, რომ კ. ჩიკვაიძეს დიდი პარტია ჰყავსო, მაგრამ მის გამარჯვებას მაინც არავინ მოელოდა. ამასთანავე მოწინააღმდეგე ინტელიგენცია ჰფენდა საზოგადოებაში ათას ნაირ ხმებს ახალი კანდიდატის შესახებ. სხვათაშორის ის იმ ხმასაც კი აერცვლებდა, რომ კ. ჩიკვაიძე განსეტქილებას ახდენსო თავადებსა და აზნაურებს შორისო. მართლაც, რაც მრეწველი და მწარმოებელი წერილი ადგილ-მამულიანი აზნაურობა იყო, აგრეთვე ზოგიერთი მთამადნის მწარმოებელი თავადებიც, ყველა მას ემხრობოდა, ყველა შეერთებულ იყო ახალ აღორძინებულ კლასთან ერთად ფერდალურ-ინტელიგენტურ პარტიის წინააღმდეგ, რომელიც აქამდე ბატონობდა ბანკის კრებებზე.

ცხადია რომ ეს განსეტქილება, ეს ორ დასათ გაყოფა ბანკის მეკენჭეთა იყო ნაყოფი უფრო ახალი საჩრეწველო-სააღებ-მიცემო განვითარებისა, ბუნებითათ წარმომდგარი. კ. ჩიკვაიძის პირადი მოქმედება აქ დიდს ვერაფერს გააწყობდა, რომ ეს გარემოება მას არ დახმარებოდა. იმან მხოლოდ აიღო ალლო, სად იყო ძალა და იქითკენ გადავიდა, სულით,

გულით და ჯიბითაც მიეკედლა ახალ აღორძინებულ კლასს, რომელსაც ოპოზიციის ინტელიგენციამ ურიგოთ ხელი ჰკრა და შეუტაცხყო ბ. ნ. ნ. ნიკოლაძის სტატიების წყალობით.

ამ სახით კ. ჩიკვაძის გამარჯვება 1890 წელს საკუთრათ ახალ აღორძინებულ ვაჭარ-მრეწველთა და სამეურნეო-სამთო-სამადნო მწარმოებელთა კლასის გამარჯვება იყო და ძველი ფეოდალური თავდაზნაურობის დამარცხება მის მომხრე ინტელიგენციასთან ერთათ. ეს ძალიან კარგათ იგრძნო მაშინ თვით ფეოდალურმა წოდებამ, მეტათ გაბრაზდა და მაშინვე ეტყობოდა, რომ ის ამ დამარცხებას არ შეარჩინდა ახალ აღორძინებულ მეკენჭეთა კლასს. იმან გულში გადაწყვიტა ერთხელ კიდევ შებრძოლებოდა მას სიკვდილ-სიცოცხლით მომავალ 1893 წლის კენჭს ყრაზე. ამიერიდან კ. ჩიკვაძის მებრძოლ ინტელიგენციას დაერქვა ოპოზიცია, რომელმაც იკისრა გაზეთებში, როგორც კ. ჩიკვაძის, ისე მისი მომხრეების დამცირება და სახელის წახდენა. თუ რამდენათ ბრძოლის ტაქტიკას მოკლებული იყო ასეთი ქცევა ოპოზიციისა, ამას შემდეგ სტატიამ დაინახავთ.

X გ. წერეთელი.

სხვა-და-სხვა ამბავი.

„კავკასის“ სიტყვით გაზ. „ცნობის ფურცელი“ შეუძენიათ ბ. ილია ხონელს და ნ. ჯაბადარს. ამათ უკვე უთხოვიათ სადაც ჯერ არს პროგრამის გაფართოება და სახელის გამოცვლა. სახელათ ერქმევა „ფურცელი“. ამ ამბავს ჩვენ დიდი სიხარულით ეგებებით, და მეთაურთ ეუსურვებთ ყოველივე წარმატებას და როგორც, ცოცხალ და მიუდგომელ გაზეთის შექმნას.

ჩვენ გვწერენ: ნიუიორკის ჟურნალში „The Nation“ (№ 1757) დაბეჭდილია პროფ. მორფილის წერილი ა. ხახანაშვილის „ქართული სიტყვიერების ისტორიის“ პირველი და მეორე წიგნის შესახებ. ავტორი დიდი ქებით იხსენიებს ამ შრომას და მკითხველთა ყურადღებას მიაქცევს ქართული ძველი მწერლობის მნიშვნელობაზე საზოგადო ისტორიის მსვლელობაში.

თფილისის გუბერნიის თავდაზნაურობის წინამძღოლს თ. კ. ი. მუხრანსკის თავისი დიდი მამული „მუხრანი“ საუფლისწულო უწყებისთვის მიუყიდა 450 ათას მანეთათ.

„ნაძალადევი“ ამ ჟამათ 600 კომლი ცხენითა და ამოდენა ხალხს ერთი სკოლაც კი არ მოეპოვება. თუ კი პატარა სოფლებშიაც სკოლას აარსებენ, თფილისის ამ ნაწილმა რაღა დააშავა? ქალაქის მოვალეობა დააკმაყოფილოს ეს აუცილებელი მოთხოვნები.

სცენის მოყვარეთა წარმოდგენა, რომელსაც კ. ნ. ჩოლაყაშვილისა მართავს „ქართული დრამატული საზოგ.“ სასარგებლოთ, დანიშნულია სახანო თეატრში 30 მარტისათვის.

მთავრობას გადაუწყვეტია წელს 300 ათასი მან. გადადვას კავკასიაში ძველი გზების შესაკეთებლათ და ახალის გასაყვანათ.

14 მარტს თფილისის სათავად-აზნაურო ბანკის დარბაზში მოხდა სასოფლო-სამეურნეო ბანკის წევრთა წლიური კრება. კრებამ დამტკიცა წლიური ანგარიში და გამგეობის თავმჯდომარეთ ხელ-ახლა აირჩია გ. ს. განძიელი. კრებაზე დიდი ლაპარაკი გამოიწვია იმ გარემოებამ, რომ კრების გადაწყვეტილებათა პროტოკოლს არ კითხულობდენ კრებაზევე და ასე წევრი მოკლებული იყო საშუალებას გაეგო, რა ეწერა და ან რა არ ეწერა პროტოკოლში. პროტოკოლის ასეთი „კონფისკაცია“ არ მოეწონა კრებას და დაადგინა გადაწყვეტილებათა რეზოლიუცია მაინც წაკითხულ იქმნას წევრთა წინაშე.

14 მარტს მოხდა ფოთის საურთიერთო ბანკის წევრთა საზოგადო კრება კრებამ აირჩია ბანკის ახალი თავმჯდომარე, თ. ან. ერისთავი. აირჩია აგრეთვე ახალი დირექტორები და რჩევის წევრები. ამასში ქართველი ერთია—გუგუშვილი, ხოლო დანარჩენთა გვარებია: სტაფრიდი, სამანდჭი, მაიერი, ავეგერინო, აგეტი და ტურკი!

გაზ. „კასპის“ სიტყვით, ამიერ-კავკასიის რკინის გზის გამგეობას ბრძანება გაუცია, რომ ამ გზაზე სამსახურში აღარაფერ მიიღონ ისეთი, ვინც რუსული ლაპარაკი არ იცის, ხოლო უკვე მიღებულთა შორის რუსულის უცოდნარი დათხოვნილ იქმნას სამსახურიდან ამ წლის გასულამდე.

ბაქოში არსდება ხუთი ქალაქის მოსამზადებელი ქარხანა.

პეტერბურგში, „კავკასის“ სიტყვით, ახალი საქციონერო საზოგადოება შემდგარა, რომლის მიზან-



ნია შავი ზღვის პირის გუბერნიაში მაგარი სასმელე-
ბის—კონიაკის და ლიკორის—მომზადება. საზოგა-
დოების ძირის თანხა 400,000 მ.

გასულ კვირას თფილისის სათავად-აზნაურო
ბანკის თვატრში გაიმართა პირველი ქართული წარ-
მოდგენა ალექსი-მესხიშვილის მეთაურობით. წარ-
მოდგენილ იქმნა ახალი პიესა „ცხოვრების გმირი“
და ერთი ვოდვეილიც. საზოგადოება ბლომათ დაეს-
წრო და დიდი აღტაცებითაც დაუხვდა მესხიშვილს.
„ვამას“ და გამოძახებას დასასრული არ ჰქონდა.
წარმოდგენამ, როგორც მოსალოდნელი იყო, ჩანე-
ბულათ ჩაიარა. ბ. მესხიშვილმა თავისი დრამატიუ-
ლი როლის საუცხოვო თამაშით თითქმის მთელი
თვატრი აატირა. ბევრმა ვერ გაუძლო თავისივე ცრე-
მლებს და ფოეში გამოვიდა. მწუხარებით უნდა აღენი-
შნოთ მხოლოდ ის, რომ ბ. მესხიშვილს შეუწყვე-
ტია წარმოდგენების გამართვა და ქუთაისში დაბრუ-
ნებულა. კარგია ვიცოდეთ, რამ აიძულა პატივცემუ-
ლი მსახიობი ასე მოულოდნელათ თფილისადან წა-
სულიყო.

ბ. დ. ნადირაძე გეთხოვს გამოცხადდეთ შემ-
დეგი: გასულ წელს „კვალის“ № 50-ში დაიბეჭდა
ქიზიყის დეპოს წევრთა კრების ანგარიში, სადაც ნა-
თქვამია: ძველი გამგეობის წევრს ნადირაძეს 1020 მ.
გაუტანია დეპოდან და დღესაც არ დაუბრუნებიაო.
ხოლო იმაზე კი კრინტიც არ არის, თუ რა ეუპასუ-
ხე მე. აი ჩემი პასუხი: დღესაც ჩემი ხელმოწერი-
ლი ვექსილებით აღებული ვექსასი თუმნის საქონე-
ლი აღებ-მიცემობს დეპოში, ვექსილებს ვადა გაუფი-
და, პატრონები ფულსა მთხოვენ, ამისათვის გთხოვთ
გამომიბზაროთ ამ ფულში ჩემი ვალი და დანარჩენი
ხუთას თუმნამდე—დამიბრუნოთ, რომ მოვალეებს
ჩავებაროვო. აქედან ცხადია, რომ მე კი არ მმარ-
თებს დეპოს ფული, არამედ დეპოს მართებს ჩემი და
კორესპონდენტს კი ეს რალაც მოსაზრებით გადაუმა-
ხინჯებიაო.

თფილისში უკვე მიიღეს რუსული ასაღი ჟურ-
ნალი „Начало“. იანვრის და თებერვლის ნომერში
მოთასკუბუღია, სსკათა შორის, შემდეგი სტატიები:
„შესასებ კაპიტალისტური ეკონომიკისა“, ს. ბუგა-
კოვის; „დავა აუბრიკას და კაპიტალიზმზე“, ტუტან-
ბაჩნაძის; „არტუფური ორგანიზაცია პატონ-უმობა-
ში“ მ. სტრუკის; „რა ჩნის ცენტრის გათხსნილება“,
ფ. იონოვის და სს. ჟურნალი წელაწადში დიხს 10 მ.
ნასკაბი წლით 5 მ, სამი თვით 2 მ. 50 კ. გავსაგნით.

წერილი ბათომიდან.

გასულ კვირას ბათომის ქართულ სკოლის დარ-
ბაზში ამ სკოლის კომიტეტისაგან მოწვეულმა საზო-
გადოებამ შეიყარა თავი კომიტეტის მიერ წარმოე-
ბულ ანგარიშის განსახილველათ. ეს კრება სწორეთ
საინტერესო კრება იყო და, თუ ვინმე ბათომელ ქარ-
თველთაგანი დააკლდა მას, ამით მან მოაკლო თავის
თავს ერთი საშუალებათაგანი აქაურ „მეთაურთა“ გა-
ცნობისა, მათი მოქმედებისა და მათი სულის კვე-
თების შესწავლისა. კომიტეტის წევრმა ბ. ნმ. მესხმა
თხოვა საზოგადოებას, რომ ანგარიშს სასტუკათ მო-
ეყარითო. ამას შემდეგ კრებამ თავმჯდომარეთ აირ-
ჩია ბ. ნი ვოლსკი, იგიც მოემზადა თავმჯდომარის ად-
გილის დასაჭერათ, მარა კრებამ იფიქრა: ვოლსკი
კომიტეტის წევრია, ის პასუხის მგებელია ანგარიშში
და მისი თავმჯდომრობა არ ვარგაო. თავმჯდომარეთ
არჩეულ იქნა ბ. ნი დ. კლდიაშვილი. კრებაზე გაცხა-
რებული კამათი გამოიწვია შემდეგმა კითხვამ: მიღე-
ბულ იქნას ანგარიში შეუმოწმებლათ, თუ მივანდოთ
კომისიას მისი საბუთებით შემოწმება და მერე ჩვენ-
თვის მოხსენებო. ბ. მ. ნიკოლაძე გაცხარებით ამტკი-
ცებდა, რომ ანგარიში შეუმოწმებლათ უნდა მივილო-
თო; კომისიის დანიშვნა—ეს შეურაცყოფა კომიტე-
ტისა, იმ კომიტეტისა, რომელიც აგერ ექვსი წელი-
წაღია, რაც სკოლას მუქთათ ემსახურებო; ჩვენ სრუ-
ლი ნდობით უნდა მოვეპყროთ ანგარიშს, როგორიც
უნდა იყოს იგიო. უმრავლესობა შემდეგი აზრის
იყო: მართა მშრალი ციფრების წაკითხვა ვერაფერი
განხილვა ანგარიშისო. საჭიროა დანიშნოს კომისია,
შეამოწმოს ანგარიში საბუთებით და მერმე მოგვახსენ-
ნოს თავისი აზრი ამისთვის დანიშნულ კრებაზეო...
ეს არაფრათ ესიამომნა ბ. ნ. მესხს, რომელმაც წინეთ
განაცხადა: ანგარიშს სასტიკათ მოეყარითო. მეო—
ბრძანა მან—რასაკვირველია დავეთანხმები უმრავლე-
სობის გადაწყვეტილებას, მარა ეგ რევიზია, კომისია,
კონტროლი რომ მოსაწონი არ არის, ეს კი ცხადიაო.
ეს კი მართლა ცხადი შეიქნა კრებაზე, რომ კომი-
ტეტს სარევიზიო კომისია ეძაგება. (აქ უნდა აღენი-
შნოთ, რომ კომიტეტის ხუთ წევრში სამი გამოცხა-
დდა: ბ. ნები ექ. ბერძენიშვილი, ი. მესხი და გრ. ვო-
ლსკი. ბერძენიშვილს კამათში მონაწილეობა არ მი-
უღია და არ შეგვიძლია ვთქვათ: თანაუგრძობდა ეს
თავის ორ ამხანაგს მათ აზრებში თუ არა). მიუხედავთ
იმისა, რომ კომიტეტს სარევიზიო კომისია ეჯავრება,
კრება მანც თხოულობდა ამ რევიზიას. ამის წინა-
ღმდეგ ბ. ნმა გრ. ვოლსკიმ წამოაყენა ამგვარი კითხვა:
აქეს უფლება ყველა დამსწრეს რომ იქონიოს მსჯე-
ლობა ანგარიშის შესახებ, თუ მართა მათ, ვისაც

სკოლისათვის ფული შამაუწირავთ და ეისიც სახელი და გვარი ანგარიშის წიგნაკის ბოლოზე არის მიბეჭდილი. მაშ თუ ეს ჰქონდა სათქმელათ ბ-ნ ეოლსკის, რატომ კრების გახსნისთანავე არ გამოაცხადა ეს. ან რას აცხადებდა კომიტეტი ამგვართ: „ეთხოვთ წერა-კითხვის გამაგრებელ საზოგადოების ბათუმელ წევრებს და აგრეთვე ყველა მათ, ვასაც კინტერესება ბათუმის ქართული სკოლის საქმე — მოზრდნდნ 14 მარტს ნაშუადღევს შეიღს საათზე ქართული სკოლის დარბაზში ანგარიშის განსახილველათო“. (იხ. „ივერია“ № 52). ცხადია — კომიტეტს არ ჰქონებია სახეში ამგვარი კითხვის დაყენება, როცა საზოგადოებას იწვევდა. ბევრი, რასაკვირველია იმ აზრის იყო, რომ საჭიროა ანგარიშის შესახებ ყველამ იქონიოს მსჯელობა, ყველამ მონაწილეობა მიიღოს ამ კითხვის გადაწყვეტაში და ამგვართ გადაწყვეტლ საქმეს შედეგად უკეთესი ექნებაო. — რატომ უარსჰყოფს ამ აზრის კომიტეტი? ნუ თუ ამით სიმართლე დაიხაგრებაო? — თქვა ერთმა არა კრახმალ პერანგინმა“. აქ კი სულ გაუწყდა მოთმინების ძაფი ბ-ნ ეოლსკის ღ შეწყვირა ამის მთქმელს: მე შენ ვერ გიცნობ!.. შენისთანა მილიონია ქუჩაში!.. მე შენ ხელსაც არ ჩამოგართმევო!.. უნდა ეთქვათ, რომ ბ-ნმა ეოლსკიმ ამ პირს ზნეობა ახდილიც უწოდა. აი, რა მარგალიტ სიტყვებს სროლილობს ბ-ნი „საზოგადო მოღვაწე“!. „შენ ქუჩის კაცი ხარ!.. მე შენ ხელს არ ჩამოგართმევ!“. გესმისთ!.. აი, რით აფასებენ ჩვენი „მეთათრები“ ადამიანის ღირსებას! აი, რა დიდ ფასს დებენ თავის ხელის ჩამორთმევას!.. რამ გააწიწმატა კომიტეტის წევრები ეოლსკი და მესხ-? საზოგადოება ეუბნება: ყველამ მივიღოთ მონაწილეობა ანგარიშის განხილვის კითხვაშიო. ეოლსკის ეს არ მოწონს. ის ძალას ატანს საზოგადოებას და ეუბნება: ვასაც ფული აქვს შემოწირული და ანგარიშის წიგნაკის ბოლოზე ეისიც სახელი და გვარი არის მიბეჭდილი, იგინი გადმოეწყოს აქეთ, დანახინები გადაიწყოს იქით. ამგვარ კამანდრობაში: ზოგი აქეთ გადმოეწყოს, ზოგი იქით გადაეწყოსო — გამოკრთის საზოგადოების აბუჩათ აგდება, იმ საზოგადოების, რომელიც ანგარიშის განსახილველათ მოწვეულია და ბერე კი ეოლსკის გადასაწყობ-გადმოასწყობათ გადაქეული. ამ კრებაზე ისეთი არაეინ ყოფილა, რომ სკოლისათვის თავისი წელილი არ გამოეღოს. დევანებოთ იმათ თავი, რომლებიც თავისი მოქმედებით დიდ შემწეობას უჩენენ სკოლას, და ამგვართა რიცხვი მცირედი არ ყოფილა კრებაზე. დევანებოთ ამას თავი მეთქვაშობო, რადგან სკოლის დანმარება ეოლსკისა და მესხის აზრით მართო ფულით განიზომება. მარა, ეიმეორებ, კრებაზე ისეთი არაეინ ყოფილა, რომ ფულით

დანმარება არ გაეწიოს სკოლისათვის. იქ იყო რამდენიმე ბათუმელი წვერი წერა-კითხვის გამაგრებელ საზოგადოებისა, რომლებიც ყოველ წლიურათ ნ მანეთს იხდნან ბათუმის ქართული სკოლის სასარგებლოთ. იქ ისეთი არაეინ ყოფილა, რომ სკოლისათვის გამართულ წარმოდგენებზე, ლატარია აღეგრიზე თუ სხვა ამგვარ სკოლის სასარგებლოთ გამართულ საშუალებებზე არ ყოფილაყოს და მით სკოლისათვის შემწეობა არ აღმოეჩინოს. ჩანს რომ ამათ კი არ უნდა მიეღო მონაწილეობა ანგარიშის შესახებ მსჯელობაში, არამედ მათ, ეინც წიგნაკის ბოლოზე არის მიბეჭდილი. საზოგადოება ისე გადაწყვე-გადმოაწყვეს, როგორც ბ. ეოლსკის სურდა. ამით საზოგადოებამ მეტის მეტ შეუტრაცყოფილათ იგრძნო თავი და ბევრმა კრება დატოვა, თუ პირზე ხელის დაფარებას გეიპირებდენ, რატომ გეიწვევდენო. ფულით შემომწირველთა რიცხვი, ე. ი. იმათი რიცხვი, ეინც ანგარიშის წიგნაკის ბოლოზე არის გამოცხადებული, ძლიერ მცირე აღმოჩნდა კრებაზე. სულ იქნებოდა 15 კაცი. ამათაც სარეეზიო კომისია მოისურვეს. არჩეულ იქმნა ეს კომისიის წევრები და დავეალა ერთი კვირის განმავლობაში მოახსენონ კრებას თავისი აზრი ანგარიშის შესახებ *).

თავიგული.


ქუთაისი 1898 წ. 1)

ღიბუქალური მსაკალ-სიქუყაბა — ინტელიგენციის არისტოკრატული ნაწილი — ბუმბუქაზის სურვილი განხილას — ქუთაისის საბჭოში მალაყბი - ბ. ს. ყიფიანი და მისი მფარველი ქუთაისი — ქუთათური ქალბის გულკუთილობა — დაქსაქსული ასაღვასდობა.

წარსულ 98 წელში ქუთაისი ჯარასაეიო დატრი-ალდა და მთელი თავისი გონებრივი და ზნეობრივი ავლა-დიდება გარეთ გამოჰფინა. ის ერთანათ ამოძრავდა და აზვირთდა; ტალები წამოისროლა და ზედ შემჯდარი დასები ერთმანეთს შეახეთქა. გაჩაღდა ბრძოლა, რომელიც მართალია ქუთაისის არ გაცილებია, მარა ქუთაისის მყურროება კი ძირიანათ დაარღვია; ის აქ დაიბადა, აქ გაიზარდა და ნაირ-

*) ამ გვარეე კორესპონდენცია მივიღეთ ბათუმის წ. გ. საზ. ერთი წევრისაგან. რედ.
1) ამ წიქილის დაბეჭდვას უადგილობის გამო ძალიან დაგვიგვიანდა. რედ.





ავსტრალიელი დროს გატარება.

ავსტრალიაში იციან უკეთესად დროს გატარება. იმათ ძალიან უყვართ ნიშანში თათვის, ან რეკლამების სწრაფად. ჩინებულად მსწრაფად აწიან. სშიძათ მოხდება, რომ ორი მეგობარი საუბარს შემდეგ უკანასკნელში შეეცადონ ამგვარად: ერთი მათგანი დაიკრებს შიშში სტაქანს ან ზატარა ჭიქის კათხას (ბაკალს) და მეორე უნიშნებს რეკლამებს, უნდა კათხას თუხი მოამტკრიოს ტყვიით, ისე რომ მეგობარს ანა გაუჭიკდეს. სწორედ მოგახსენოთ კარგი მეგობრული დროს გატარება ცოდნით ავსტრალიაში.

ნაირი პარტიები ჩამოასხა, რომლებმაც ერთმანეთის გაცურებაში დიდი უნარი გამოიჩინეს. აქ სრულიად გამოჩნდა მათი სულის-კვეთება, მათი ვინაობა და საზოგადო საქმის ცოდნა. ამიტომ თამამათ შეგვიძლია ვთქვათ, რომ ეს 98 წ. — ტიპიური წელიწადია ამ გაჩინოვნიკებულ ქალაქის ცხოვრებაში.

მაშ ჩვენც ავსტრალიაში მოკლეთ ქუთაისის მაჯის ცემა, გავარკვიოთ მისი მოძრაობის და ხმაურობის მიზეზები და მით ნათლათ წარმოვიდგინოთ მებრძოლთა საქმენი-საკმირანი.

97/98 წ. ზამთარში ძალიან დიდი თოვლი მოვიდა, განსაკუთრებით იმერეთში, რის გამო დიდხანს სოფლებიდან სოფლებში, სოფლებიდან ქალაქებში მიმოსვლა შეჩერდა — გზები დაიკეტა და ხალხი დიდ გაჭირვებაში ჩაეარდა. სხვა-და-სხვა კუთხიდან კორესპონდენტები ატყობინებდნენ რედაქციებს, რომ, აქ წისქვილები გააჩერა ყინვებმა და მცხოვრებლები მარტო მოხარშული სიმინდით ირჩენენ თავსო; იქ ჩალა-თივა აღარ აქვთ და ხალხი იძულებულია შინაური ცხოველები დაკლას, ხორცს ზოგს ჰემენ, ზოგს კი ამარილებენო, აქ შინაურ ცხოველებს, რადგან უსაკვებოთ ეხოცებათ, კიტრის ფასათ ჰყიდიანო, იქ

ხალხს შეშა არა აქვს და სიცოცხლე იხოცებაო და კადე ბევრი სხვა შემაწუნებელი ამბები ისმოდა.

ამ გარემოებამ, და იმანაც, რომ ქუთაისის ქუჩებში ჩვეულებრივად გასეირნება არ შეიძლებოდა, აფიქრებია ჩვენ გულ-კეთილ ლიბერალებს, ხალხის უბედურ მდგომარეობაზე რამე სიტყვა წარმოეთქვა. ამისთვის ადგილიც მალე გამოძებნეს, ქუთაისის სამეურნეო განყოფილების საბაასო დარბაზში. აქ მოიყარეს თავი და თავის ამბანაგებში ბევრი თბილ თბილი (ვითომც ხალხის გამაბედნიერებელი) სიტყვები დახარჯეს. ისეთი მოხერხებული რეკლამით სავსე სიტყვების ტალღები აინძრა, რომ ამის მნახველ უცნობ კაცს უნებურათ წამოცდებოდა: ნეტარ ხართ თქვენ, ხალხისთვის ტანჯულნიო ქრისტეს მოციქულნიო.

როგორც „კეალის“ კორესპონდენტი ბ. „ისი“ წერდა ამ საკითხის შესახებ, სამეურნეო, განყოფილების წევრები რამდენჯერმე შეიკრიბენ, რამდენიმე კომისია აირჩიეს, რამდენიმე ოქმი ან შუამდგომლობა დაწერეს, მაგრამ ამით არაფერს არც კუჭი გამოუძლია და არც გამოთბარა. აი, მათი ოქმების და შუამდგომლობის ნიმუშიც: 1) ნუ გადახდებიან



გლენებს სახელმწიფო ტყეებში მოჭრილი ხე-ტყის გადასახადს 97 წ. და ამ იანერის თვისას; 2) უფასოთ აძოვებინონ ზამთრისაგან დაუძლეურებული საქონელი სახაზინო ტყე-მინდვრებში; 3) გადადევნა გადასახადების და მათი ნედლიძეების აკრეფა და 4) უფასოთ დაურიგონ სოფლის ხალხს სხვა და-სხვა ბალახეულობის თესვები; კამისამ იშუამდგომლოს თავად მინგრელსკისთან, რომ მან თავის მამულებში ნება მისცეს გლენებს, შემის უფასოთ გამოტანის და საქონლის ძოვებისა. ამას გარდა, გამოვითხოვოთ ხაზინიდან „продовольственные капиталы“, და სხვა-და-სხვა სადგურებზე საწყობები გავმართოთ, რომ ხალხს უფრო ადვილათ მივაწოდოთ ჩვენი საშუალებაო. ამასთანავე მეტი კი არა და უსათუოთ საქიროა, რომ ჩვენი გაჭირება—შიძშილ-წყურვილი - რუსეთ-ევროპას შევატყობოთო: „закричимъ на всю Европу“-ო - თქვა ერთმა და მას ბანი მისცა მთელმა კრებაში. ეს იყო და ეს. კამისები აიჩიეს, ოქმები დაწერეს, „პროგრესიული“ სიტყვები დახარჯეს, ამით ერთმანეთს გული მოუხანეს და მეტათ ნასიამოვნება შინისაკენ წაბრძანდნენ. ქვეყანაც აშენდა, გაჭირვებულთ შება მაცეცა და ჩვენი ლიბერალებიც არხეინათ შეუდგენ თავის კერძო-საქმეებს, გვეყო ქვეყნისთვის თავის დადებაო. დაწერილი ქალაქები, რასაკვირელია, ყველა თაროზე დაალოკეს და ობ-მოკიდებული დღესაც იქ ალოგია. ამას არავითარი საქმე არ მოჰყოლია, არავითარ განხორციელებას არ ღირსებია. სამაგიეროთ იმათ სხვა რამე ისაქმეს, რაზედაც ახლა გადავალთ.

4 მაისს 97 წელს „ქუთ. ამხ. მეაბრეშუმეობის და ფეიქრობის“ პირველს კრებაზე თამეჯდომარემ შემდეგ სიტყვებში გამოხატა ამ საქმის დამწყების ხასიათი და მისი მნიშვნელობა: „ფეიქრობისა და მეაბრეშუმეობის საქმე, მისი დიდი მომავალი და მომგებიანობა თავის წიგნათვის, და დამაკავშირებელი საზოგადოებრივი მნიშვნელობა ჩვენი ქვეყნის სხვა-და-სხვა დაბა—ქალაქების და სოფლების ძწარმოებელთა ერთ საქმეში და ერთ საწარმოო მოქმედებაში ერთობით შედგომა, სანატრელია... ბ. არტემ ანჯაფარიძემ თავის მხნეობით, ერთათ-ერთი პირადი ენერგიით და ნიჭით იმდენი გააკეთა, რომ ხელოსნობის, ფეიქრობის და მეაბრეშუმეობის საქმე ფეხზე დააყენა. და, აი, ახლა ამხანაგათ გვიწევს ულღის გასაწევათ... და ჩვენც ეჭვი არაა, გავიგეთ რა სარკებლობა და მიზანი მის მოქმედებათა, არ ჩამოვურჩებით უკან, მიეცვით შემწეობას, ესე იგი, მოეუპოვებთ ჩვენ გარეშე სხვებსაც თანამგობობელთ ამხანაგთ“. (იხ. კრების „ოქმი“). ოქმზე 32 წევრს უწერია ხელი. ამ ნაირი აღტაცებით შეუდგენ ქუთაისში მეაბრეშუმე-

ობის საქმის გამოწყობას, მაგრამ არაინ იფიქროს, რომ ასეთი აღტაცება ერთი თვის, ერთი კვირის ან დღის ნაყოფი ყოფილიყო. თუ არ ვცდები, წელიწად ნახევარზე მეტი იმუშავა ამ კითხვის გამოსარკვევით ქუთაისის ინტელიგენციის არისტოკრატიულმა ნაწილმა და დაასკენა ის, რომ ეს საქმე სასარგებლო საქმეა და ბ. არ. ანჯაფარიძის „საზოგადოებრივი“ (!!), ენერგიული და უანგარო (!!) მოქმედება ეჭვს ვაჭრევა“.

სამეურნეო განყოფილებამ თავის მხრივ საჭიროთ სცნო სამინისტროში შუამდგომლობის გაგზავნა, რომ, რამდენიმე წლის განმავლობაში ბ. ანჯაფარიძეს საფეიქრო სკოლის შესანახათ სამინისტროს სუბსიდია დაენიშნა. რალაც მანქანებით შუამდგომლობა სამინისტრომ მიიღო და სკოლას წელიწადში (მგონია 5 წლის განმავლობაში) 600 მანეთი დაუნიშნა.

რალა ბევრი გაეგარძელოთ, ეს საქმე დარბაზიდან მალე ქუჩაზე გამოვიდა და მის პირველ მეთაურათ თ. პ. თუმანოვი იქნა არჩეული, უფროს ღირეტიორათ ბ. კ. ბაქრაძე, ღირეტიორებათ ბ. მიქიაშვილი და ძოწინიძე. მმართველათ თვითონ ამ საქმის ინიციატორი ბ. ანჯაფარიძე. ამ გზით შედგა ხსენებული ამხანაგობის მართველობა. ამათგანი ვინც უნდა ყოფილიყო, დაბეჯითებით გეტყუდა, რომ საქმეს „დიდი მომავალი და გამგებიანობა“ მოეღის. თუ ისურვებდით ამას საბუთებთაც კი დაგიმტკიცებდნენ. აი, შეხედე, პარკმა რამდენი მოგება მოგვეცაო! ფეიქრობის საქმე კი, რადგან ჯერ მოგებას არ იძლევა უნდა შევაჩეროთ, საქმეში ცოცხალი ანგარაში უნდა გავატაროთ, ყოველ ნაბიჯზე წესიერება უნდა დავიცვათ, თვარა დავილუპებითო. მარა თითოეულს თავისი შეხედულობა ჰქონდა საქმის წაყვანაზე. ამას თან მოჰყვა ერთი-მეორის მოქმედებაში კრიტიკული აზრის შეტანა. შენ საზარალოთ მოქმედებ, შენ სპეციალისტი არა ხარ, შენ ანგარიში არ იცი, საქმის უფიცი ხარო და სხე...
 X
 ი. კაჭაბაძე.

(შემდეგი იქნება)

კვირიდან კვირამდე

„ცნაიკელი სიკრტე“— შიმის თვალეპი — „სიბჭმის კარეპი“ — темная сила — ისტორიული თავის მოქმედა — საოცარი ამბავი.

ქუთაისის „კვირანი კაცი“ ერთობ ძალიან გართაცა კითხვითი ნიშნებმა. ის სულ კითხულობს და

კითხულობს, სად იმყოფები, რა რჯულის ხარო, და ბოლოს რწმუნდება რომ „კალიერ სივრცეში“ ყოფნა შეუძლებელია! ოღონდაც რომ შეუძლებელია! სად არის მერე ეს „კარიელი სივრცე“? სად და ყოველგან, სადაც მე, კალისტრატე და ქუთაისის ბანკი არ არისო—გვარწმუნებს „ჭკვიანი კაცი“. რა ექნათ, ჭკუა მაშ რის ჭკუაა, თუ მას არ დაეუჯერებ; და, აი, ვუჯერებთ ჩვენც ბ. მაიაშვილს, რა გაეწყობა ხელის ძალა თუ აღმართსა ხნავს, გონების ძალა ხომ აღმართს დაღმართთან მაინც გააწვორებს; და, მას შემდეგ, რაც გაზეთის უფროსელზე მან უარყო ყოველივე „სივრცე“ თეინიერ ბანკის სივრცისა, უეჭველია იმას ცხადვრებაშიაც უარიყო და დარჩა მთელი ქვეყანა ბანკის ამარა. და ასე „სივრცეში“ მოიპოვა თავისი ნამდვილი სივრცე—ბანკი (და ისიც უთუოთ ქუთაისის, არ დაგვიწყდეთ), ბანკმა შთანთქა ყველა არსებული, თუ არ არსებული კითხვა და თან ჩაიყოლია ყველა ნამდვილი, თუ მოსალოდნელი პარტია... ამით შორის თურმე ჩვენც ვართ, ძალიან კი გვინდა არ ვიყოთ, განზე გავსწლტეთ, მარა ვინ განებებს თავს, აქ, აქ მოზრძანდით, აქ უნდა იყოვო, თუ არა და იცოდეთ, აღარსად არ იქნებო—გვემუქრებიან ქუთაისიდან. შიში შეიქმს სიყვარულსაო, ნათქვამია და ეს არის. ჩვენც უნდა შევიყვაროთ ქუთაისის ბანკი მისი კალისტრატე-ოპოზიციით.

* *

შიშს მართლა და დიდი რამ შეძლებია; ეს ხომ მაინც ყველამ იცის, რომ მას დიდი თვალები აქვს. და, აი, ეს თვალები „ახალ მიმოხილვის“ რედაქციას სათვალეობათ გაუკეთებია, მერე ცხვირზე წამოუდგია და თფილისიდან ქუთაისისაკენ გაუჭკრეტია. რა ამბები არ დაუნახავს ამ ახირებულ სათვალეში! ამას ენა და პირი ვერ იტყვის. ამდენი საარაკო საქმეები მგონი თვით „კავკასის“, „ბინოკლსაც“ სიზმარშიაც არ მოჩვენებია. არა, „ახალ. მიმ.“ შიშის თვალები საოცარი რამ თვალები უნდა იყოს. პარველ ყოველისა მას, რასაკვირველია, ბანკი დაუნახავს და ის პარლამენტათ მიუღია, მისი მართველი კ. ჩიკვაძე—დერუღედათ, რიონი—სენათ, ბულგარი, „თანხმობის მოედნათ“ თუმცა „განხეთქილების მოედანი“ უფრო უხდება—და მთელი ქუთაისი კი პარტია. „პლებისციტი“, „ბონაპარტიელი“ და სხ. და სხ. სულ პანტასავეთ ყრია თურმე ამ ახალ აღმოჩენილ პარტიში. და სადაც ამდენი ამბებია, იქ რასაკვირველია ერთი ჟარესი და რამდენიმე ღრეიფუსი მაინც იქნება. ღრეიფუსისა კი რა მოგახსენოთ, ხოლო ჟარესი უთუოთ „ჭკვიანი კაცი“ იქნება. ასე გადმოგვკრა „შიშის თვალებმა“, თუმცა ეს თავისი

აღმოჩენა ჯერ-ჯერობით პირ-და-პირ ვერ აღიარებდა. რა სიბრძნე მოაპნია „ახალ. მიმ.“ ხუთშაბათ დილას! ვინ არ იწამებს ამიერიდან, რომ შიში კალისტრატისა არის დასაბამი სიბრძნისა...

* *

მარა ამ „სიბრძნეს“ ერთი საიდუმლო კარები აქვს. შეაღებთ მას თუ არა, მაშინვე ჰქრება ეს ძვირფასი თვალით გამოტანილი „სიბრძნე“ და იმერეთის პარტიც ისევე ჩვენ ნაცნობ ქუთაისათ იქცევა. ეს სწორეთ ძალიან სასიხარულოც უნდა იყოს. ქუთაისი ქუთაისათ მიიდა ვიგულო და არა სხვა რამეთ. მაშ შევალთ „ახალ. მიმობ.“ სიბრძნის კარები. ჩვენ ვამბობდით: ქუთაისის ოპოზიციამ თავი ისახელა იმში, რომ „ბრბოს“ უფლების წართმევას შეეცადა, რასაც არსად არავითარი მოწინავე პარტია არ შერებდა. „ახ. მიმ.“ კი გვიგებს, რომ მაშ დერუღელი და ბონაპარტიელები ყოფილან მოწინავე პირები, რადგან ისინი „ბრბოდან“ გამოვილან შეველასო. მარა აქ მას დაეიწყებია პატარა რამ, სახელდობრ—ესენი სწორეთ იმას ცდილობენ, რომ „ბრბოს“, ხალხის უფლებები წართვან და ყველგან „გოროდოვოი“ ჩაუყენონ, სწორეთ ისე, როგორც ქუთაისის ოპოზიციამ აღიარებს: ყარაულია საქორეო! მაშასადამე „ბონ-პარტიელები“ ჩვენში თუ სადმე—ეს ისევე „ახ. მიმოხილვის“ ნაქები პარტია უნდა იყოს. და ჩვენც სწორეთ ამიტომ, შეგვაქვს ეჭვი მის მოწინავეობაში. 1)

* *

არა, „ახ. მიმობ.“ უჯობს არგუმენტებს ისევე თავი დაანებოს და მკითხაობა განაგრძოს. ამაში კი მოგეცათ სიცოცხლე ბადალი არ ჰყავდეს, მასთან შედარებით ცნობილი კადელი ნინოც კი სირცხვილს ჰამდა, რომ ცოცხალი იყოს. ქუთაისის არჩენები წაგო ინტელიგენციამ, იმიტომ რომ იქ რაც „темная сила“ დატრიალდაო—მკითხაობს გაზეთი 13 მარტის ნომერში. ეს „сила“ რომ არ იყოს, ამდენ ხანს საქმეც გაიჩაღებდა და ბანკის ბედ-იღბალიც ძირიანათ შეიცვლებოდაო. აი, რა ადვილათ და სადათ ხსნის „ახ. მიმობ.“ საზოგადო მოვლენას. ეს ძალიან მაკანებს ერთ ღვთის მეტყველს, რომელიც ამტკიცებდა, რომ ახლა სარწმუნოება იმიტომ დაეცა, რომ ხალხს ეშმაკი შეუჯდა და აბრიყვებო. ერთი ასეთი ეშმაკი უთუოთ იმერეთის

1) ერთი კითხვა „ახ. მიმ.“ რედაქციას: რატომ ნ. ჟარდანიას წერილი, წინასწამდეგ ვკტორის სურვილისა და რედაქტორის დაპირებისა, შემოკლებით დაბეჭდეს ასეთი საწყაქცია კტივა?... (8. 1. 1909)

თავად-აზნაურობასაც შევდარა და აბრიყვებს...
პოი, გულ-უბრყვილობაჲ!


* *

ეშმაკისა რა მოგახსნოთ, და რაღაც ხილულ
მაცდურს კი იურიევის სტუდენტები გაუბრიყვებია.
შარშან იმათ თავი ისახელეს მითი, რომ ტარიელ-
მკლავადის „კულტურა“ იურიევში გადაიტანეს და
ეს საქართველოს კულტურათ გამოიტანეს. ამ „კულ-
ტურის“ გამოსაკვლევათ იქ 21 კაცი გამგზავრებულ-
ლა და აგერ ნახევარი წელიწადი, სწავლის მაგიერ,
ეს უძიებიათ. ბოლოს ეს თავისი ხელობა დაუმთა-
ვრებიათ იმით, რომ მკლავადის „კულტურა“ ნამდვი-
ლი ჩვენი კულტურააო და ქართველთა სანუგეშე-
ბლათ ეს „იურიას“ გამოუქვეყნებია. რაღა გვიჭირს
აწი! ჩვენს ბედს ვისი ბედი შეედრება! მარა ამ მკლავ-
ადის მოტრფიალეთ ერთი სამაგალითო ტყუილიც
გამოუცხვიათ და თავის „განჩინების“ დამატებათ გა-
მოუშვია. ეს 21 კაცი შეუდრკველათ ამბობენ: შარ-
შან ბ. გ.—ი. „კვალში“ წერილი დასტამბა „ამ წე-
რილის გასაბათილებლათ დორპატის ქართველ სტუ-
დენტებმა „კვალს“ წარუდგინეს წერილობითი საბუ-
თებო...“ აბა, ამოდენა ტყუილის მამგონს რაღა
უნდა მოეთხოვოს! საქმეც იმაშია, რომ ვერავითარი
საბუთი, ვერავითარი „პასუხი“ ვერ გამოგზავნეს
იურიევის „მკლავადებმა“ და ამით დაამტკიცეს ის,
რაც „კვალში“ დაიბეჭდა. ახლა კი გამოსულან 21
სტუდენტი და გაზეთის საშუალებით ასეთ საოცარ
ჭორს არხევენ; რაღა გასაკვირველია, ასეთი ხალხი
„პასკვილებსაც“ წერდეს და თავის დროს ამაში
ატარებდეს. ჩვენ კი კიდევ გვგონია, რომ ასეთ
„საგმირო“ საქმეებში იურიეველთ არ დაეთანხმება
დანარჩენი სტუდენტობა და მით თავიდან აიცილებს
ამ ისტორიულ თავის მოჭრას.

* *

ამდენ უსიამოვნო და თან საოცარ ამბავს შო-
რის ეროსი სასიამოვნო, ამასთანავე კიდევ უფრო სა-
ოცარიც მოვიხსენიოთ. ამ ჩვენ უბადრუკ ქვეყანაში,
სადაც ბანკების გარეშეაო ამდენი თავის მტერევაა,
ყოფილა ერთი ბანკი, რომელიც თავის ნებითვე
„საბანკო დიდებაზე“ ხელს იღებს და სხვას უთმობს
ადგილს. აი, მაგ. რა თქვა ფოთის „საურთიერთო
ნდობის“ გამგემ 14 მარტის წლიურ კრებაზე: „მე
თუმცა კანონით კიდევ ვადა მაქვს ბანკის მმართვე-
ლობის თავმჯდომარეთ ყოფნისა, მაგრამ თავს ვა-
ნებებ, რადგან ბანკის საქმეს თანამედროვე ცხოვრე-
ბის შესაფერათ სულ სხვა მკოდნე კაცი უნდა, რომ
ამ საქმეს სათავეში ჩაუდგეს და წინ გაუძღვეს“
(„ივ.“ № 58). აბა, მოდი და ნუ გაოცდები! ის რომ


ქუთაისში ან თფილისში ყოფილიყო, იმდენ
დარბას ასტეხდა, რომ თავის არჩევისათვის მთელ
ამერ-იმერეთს შეძრავდა, ოპოზიციებსაც გაიჩინდა,
მოწინავე პარტიებიც ხელათ გამოიჩიკებოდა, ორი
სამი „ქვიანი კაცი“ სახელსაც გაიკეთებდა და სხ.
და სხ. და მერე დიდი რიხით გადმოგვძახებდენ:
აბა, რას ფიქრობთ ბ. ალანას შესახებო? მარა მა-
დლობა ღმერთს, ამ კაცმა ვეხსნა ხათბალისაგან,
შეიბრალა ჩვენი ქვეყანა, ჩვენი მოღვაწენი და ისე
წყნარათ გაუდგა თავის გზას, როგორც მოვიდა..



თ ვ ა ლ ე ბ ი.

ნასე თვალები მოეფარენი,
მათგან ჭშკენიდა გაგე-არენი;
კნასე და თვალი, გითსნათ მე სწორე,
ამათ შკენებს ვერ გაგუსწორე!..
მათი ციმციმი, ქვეყნის მასკენი,
გძინობის, გონების ციმდე მასკენი
მომხიბლველ ნქტრათ გულში მწკდე-
ბლად

და თავისკენ შეზიდებოდა...
მით შკების ცრემლი თვალთგან მდენია
და მე ის დღემდე გულს ჩამჩენია!..
დავკარგე სატრფო! მას ველარ ვხედავ!
და შენ, ტიადლო, მესთადლო სკედავ,
გძინობას მიჩლუნგებ და გულს მითრთვილავ
მით რომ მას ქვეყნათ ველარ ვისილავ!..
„ველარ!“ ოჰ, ბგერა შხამში ნადესი,
გულის სიდრმიდან ამონაკენესი!..
და ვერა, ვერც თქვას იგი ენამა,
რც მე იმისთვის ცრემლი მენამა!..
მარა... შორს, სკედავ! შორს, შორს ჩემგანა!
შენ გემოჩნილო კიდევ მე განა?!
ანა და ანა! ათსჯერ ანა!!
რც გემოჩნილე, გეუოფა, კმარა! —
როს „იგი“ ვნასე სხივ მოციმციმი,
შემიძისუბუქდა მით ტვირთი მძიმი..
და მით გსუდდგმულაო მე დღეს მწუნარე,
რომ ქვეყნათ ერთსელ მეც გავისარე!..
დ. თომასკვილი.



პასუხი დორპატის (იურიევის) სტუდენტების ცილისწამებაზე.

არხივში, როგორც დორპატის ახლანდელი სტუდენტების დამახასიათებელი საბუთი.

რედ. ანასტასიას წყნოფისა.

პ ი რ ი მ ზ ე

რო მ ა ნ ი

ნაწილი I.

ბატონ-ჟმობის დრო.

XI.

(გაგმქლება) *

ზაზ. „ივერიაში“ ისე ხშირათ იბეჭდება ჩვენზე ლანძღვა გინება, რომ მომეტებული ნაწილი მათგანი ყურადღების ღირსათ არ მიგვაჩნია; მაგრამ დორპატელი სტუდენტების სინკლიტის წერილმა სწორეთ, ძალიან გაგვაკვირვა. თურმე ახლათ მისულ 21 სტუდენტს ექვსი თვის განმავლობაში სულ ის უკვლევიათ, თუ ვინ არიან დამნაშავენი შარშან გამართული ქართული სალამოს უწყსოებაში. ეს 21 ვატი ბატონები ჩინით ბჭმანებენ: „ამ წყნოფის გასახათილებლათ („კვალში“ დაბეჭდილა გ. ი. კორესპონდენტის შესახებ უნდა ვიგულისხმოთ) ლაგმბატის ქართულ სტუდენტებს „ჩველს“ წარუდგინეს წყნოფითი საბუთები და აუხსნეს საქმის ვითარება, რაც რ. დაქცამ ფრთხილად სიფაქიზით განისიდა თვისთა ზღუდეთა მონის. იამა თუ ანა „ნამდვილის მსჯავრის დამდებს“ რედაქციას თვისის კორესპონდენტის გასათილებს, მაგისი რა მკაცრსენათ, მსოფლით ამას ვი თამამთ გერეკით, რომ რედაქტორმა უადში მონისდა, სწუნდა ჩვენმა კორესპონდენტმა განწყობილსაზიანმა შეცდამაში შეგვიუგანაო“.

ზემომოყვანილი სიტყვები მტკნარი საცრუვა. რედაქციას არც ვისმეს წინ ბოდიში მოუხდია რ არც რაიმე საბუთი მიუღია კორესპონდენტის წერილის დასარღვევათ. მართალია ბატონი სტ. ყაზახაშვილი ბრძანდებოდა ორჯელ რედაქციაში, მაგრამ მის ლაპარაკიდან ჩანდა, რომ უფრო აინტერესებდა მას კორესპონდენტის სახელის გაგება, ვიდრე საბუთიანი პასუხის დაწერა. მეცა და რედაქციის თანამშრომლებმაც არა ერთხელ შევეუთვალეთ სტ. ყაზახაშვილს და მის ამხანაგებს, მოიტანეთ საწინააღმდეგო პასუხი და ჩვენ დიდი სიამოვნებით დაებეჭდავთ თქო.

კიდევ ვიმეორებთ რომ რედაქციას არც მაშინ და არც ახლა არ მიუღია საპასუხო წერილები დასაბეჭდათ, მხოლოთ მოგვივიდა მათგან სხვა-და-სხვა დროს შემდეგი:

- 1) პირველი ჯგუფის შესახებ წერილები, რომელთაც დღემდის არ ვებეჭდავით.
- 2) 27 სტუდენტის ხელმოწერილი თხოვნა, რომ ვახეთი „კვალი“ ვგზავნებოდესთ კერძო სახელით (ჩხენკელს) და არა უნივერსიტეტში
- 3) ექვსი კაცის ხელმოწერილი წერილი, რომლითაც ვთხოვედენ „კვალში“ დაბეჭდილი კორესპონდენტის დასამტკიცებელი წერილობითი საბუთი გაქვთ გამოგვიგზავნეთო! ამის პასუხი ვაგზავნათ კიდევც.
- 4) კიდევ მივიღეთ პასკვილი, ჩემი და ჩემი რედაქციის დაცინვა. ეს პასკვილი შეინახება რედაქციის

ვირა დილა შეენიერი ვათენდა. მზემ ოქროში გაფერა ბაკურიძის განიერი ეზო. სხივები დილის ცვარში გარბნენ და მწვანე ბალახის ყურებზე ალმასის კუნწულები დაეკიდა. ბაკურიძე დიდ ფაცა-ფუტუში იყო. ბაკურიანის სოფლის დღეობა იყო და რევანცი ბევრ სტუმრებს ელოდა იმ დღეს. მოურავი შიუკა ბოსელს უკან როდამ კვესაურის ძროხას ატყავებდა; ბოსლიდან კი ხანგამოშვებით მოისმოლა ხბოს ზღაფილი; ის თითქოს გრძნობდა თავის სიობლეს და რაც უბედურება დატყდომოდა მას თავზე. — იფ, ძან საჭმელი ხორცი აქვს ამ დალოცვილს, რა მსუქანი ყოფილა! ხბოიანი მეწველი ძროხა და ასე მსუქანი მე ჯერ არ მინახავს! — ამბობდა შიუკა მოურავა. სხვა მოსამსახურეები მის გარშემო ფართი-ფურთობდენ: ვის წყალი მოჰქონდა ჩაფით და დიდ საარაყე ქებას ავსებდა სამხარეულოში შუა ცეცხლზე, ძროხის ჩასადგმელათ, ვინ ძალლებს უგერებდა დაკლულ ძროხას, ვის ასო-ასოთ აქნილი ძროხის ხორცი მიჰქონდა მარანში და იქ გრილათ ჰკიდებდა ხის ბორჯლიან კაკებზე, ვინ ძროხის ტყავს ჰიმავდა გასასხნავთ და გასახზობათ, იქვე ორი მოახლე ძროხის შიგნეულს ხევის წყალში ასუფთავებდა მოსახარშავათ, თანაც ერთმანეთს ელაპარაკებოდენ: ქალბატონს და ვიტოს ძალიან უყვართ მოხარშული წელები და ფაშვებიო. — ვიტოს უფრო ღვიძლზე და გულზე მიუღის სულიო. — ქალო, ცხრა წიგნა კარგათ გადაფურცლე, შიგ არა გამოგრჩესრა, თვარა მაგ წყუელში მიმალვა იცის უწმინდურობამ; მერე ხომ იცი, ქალბატონი რა გულზიზღიანია, თუ შენიშნა რამე — შავ დღეს დაგვაყენებს. — ეუბნებოდა ერთი მოახლე მეორეს.

ნავაზები, წვერები და მეძებრები მისეოდენ და-

* იხ. „კვალი“ № 11

ღერილ სისხლს და სლაქადენ; ზოგს ნაწლებების ნაწყვეტები გაეტაცნა, ზოგი ბუშტის ნაგლეჯებს შეეკცოდა; ხან-და-ხან ერთმანეთში ჩხუბიც მოუვიდოდათ, ხორხალს და ღრიანცელს შექნიდენ, მაგრამ იქვე იდგა მეკურდლო ბიჭი, ყურს უგდებდა, რომ მწვერები ნაგაზებს არ გაეკციათ, ბაკურიძე დადიოდა აივანზე და ხშირ-ხშირათ უძახოდა ხან ერთ მოსამსახურეს და ხან მეორეს, ყველას აფრთხილებდა და ყოველნიან თავდარიგს ახდენდა. იმ დღეს, სულ ცოტა რომ ეთქვათ, ორმოც კაცს სტუმარს მინც მოელოდა, რადგან იმ დღეს მარიამობა იყო და ბაკურიძე ყოველ წელიწადს იხდიდა ამ დღეობას.

ანასტასია ბაკურიძისა ირთებოდა თავის ოთახში; ჯერ წირვის მოსასმენათ ემზადებოდა და მერე წირვიდან სტუმრებს ერთიანათ გამოუძღვებოდა სახლში. რევაზმა გასცა ბრძანება, დღეიდან გერიტას პირიმზე დაუძახებოდა. გერიტა აღტაცებაში იყო, რადგან დღეიდან იმას ბატონიშვილს არქმევდენ შინ მოსამსახურეები ზე დედამა კი ნათლის სახელს — პირიმზეს. ის დღეს პირველათ იცემდა ახალ შეცვრილ წითელ ყანაოზის კაბას, ქარიულათ გულამოჭრილს. დღეს მას ცალკე ცხენს უკაზმავდენ წითელი მოქარგული ასლით, ჟღარუნა ვერცხლის ლახტით მართულს. ის მეთუ წელში გადადგა და მამაც შემოდგომაზე უპირებდა ქ. ქვიანას საქალებო სასწავლებელში მიბარებას.

წირვის დარეკეს და ზარების ხმა ოდნათ შემოესმა ანასტასიას, რომელმაც აღაპრო თვალები ღეთისმშობლის ხატისკენ, გამოისახა სააოებით პირჯვარი და წაიბუტბუტა: „მესმა, უფალო, ხმა შენი და განანათლა გონება ჩემიო“.

— დედა, წირვის დარეკეს, წირვის! — შამოვარდა ამ დროს ოთახში მართული და გამოკაპწიავებული პირიმზე. ის ძალიან შეენოდა წითელ ყანაოზის კაბაში, თავზე ოქროთი ნაკერი ბლონდის ლეჩაქა აფხაზურათ ჰქონდა გაკეთებული. სქელი წაბლის ფერი თმის კაეები ყურებზე ჰქონდა გადახვეული და შეენიერთ ახამებდა მის გაბღღიანებულ სახეს.

— ანასტასია, თუ გინდა წირვაზე წასელო, ბარემც გამოიძახე! — მოისმა რიხიანი ხმა ბაკურიძისა. — ცხენები და მხლებლები გიცდიან.

მართლაც, ეზოში იდგა ბარე თორმეტიოდე შე-

კაზმული ცხენი. ზოგი ასლებიანი და ლახტებიანი ქალებისა, ზოგი ვერცხლით მოჭედული უნაგრებით. ბაკურიძეს წინ-და-წინ მოსელოდა მახლობელი ნათესაეები და სახლის-შვილები; მართული ქალი და კაცი გამოეფინა აივანზე. მათ წინ მოუძლოდა ანასტასია ბაკურიძისა, ოქრომკედით მოქარგული წითელი გულისპირით, ქართულათ მართული; ტანზე ეცვა ხავერდის ქათიბი, მდიდარ თავსაკრავზე წინ ებნია ორი თხილის სისხო მარგალიტის თავებიანი ქინძისთაეები. ლეჩაქ ზემოთ ეხვია თეთრი ბაღდადი და პირი სამგზავროთ აკრული ჰქონდა. დედას წინ პირიმზე მიდიოდა, უკან მოდევდენ ბაკურიძის სახლისშვილი სტუმრები ამაღათ. მასპინძლები და სტუმრები შესხდენ ცხენებზე და გაემგზავრენ. პირიმზეს წინ ფარეში მიუძლოდა, რომელსაც ცხენის აღვირზე ჰქონდა ხელი ჩაკიდებული, რომ ცხენს ყმაწვილისათვის თავი არ წაერთმია. იმ დროს „სედლოები“ ჯერ კიდევ შემოღებულნი არ იყო და ქალები კაცურათ ისხდენ ანახებში. პირიმზეს დიდებში მოჰქონდა თავი და მხარულეებისგან აღარ იყო, ხშირათ ჭიმაედა თავს ცხენს, რომ რახტის ფიფინაქებს გაეფლარუნებინა, რაც მას ძალიან ართობდა.

შინაურ-გარეულები დიდი ხანია ჭიშკარში გავიდენ და ხშირ ტყეს ამოეფარენ. რევაზმა მხოლოთ ახლა მოითხოვა პირსაბანი წყალი და მასთან ოჯახის დალაქი იახლა წვერის გასაპარსავათ, შემდეგ გამოეწყო თავის ნიკოლოზის დროის მაღალ წითელსაყელოიან ყურთმაჯებიან მუქი მწვანე ფერის კაბაში, რომელსაც მხრებზე ცოტათ განუნებული ჯინჯილებიანი ყვითელი ეპოლეტები ესხა, მოითხოვა ბედაური: „მიუკას ერთხელ კიდევ მისცა თავდარიგი; მოურავმა ცხენის სადავე დაუჭირა და აბჟანდი დაუწია; ამ სახით რევაზ შეხტა ლურჯაზე და გაემართა ჭიშკრისკენ. განიერი ფაფანაკი ოთხკუთხათ ეფარა კეფა გამელოტებულ თავზე, რომელსაც უკან კინჩხზე მოჰკიდებოდა რამდენიმე გაქალარებული და დახუჭუჭებული თმის კულულები.

— ბიჭო! — შეჰძახა რევაზმა, ჰკრა ქუსლი ცხენს და გაეშურა ჭიშკრისკენ. — ქესა-ყალიონი არ დაგავიწყდეს.

ბიჭი გამოეკიდა ქვევითათ ცხენოსან ბატონს გძელი თუთუნიანი ქესით, რომელშიც ჩადებული იყო გძელტარნიანი ყალიონი.



ბაკურიძე რომ მივიდა საყდარზე, წირვა დიდი ხნის გამოსული იყო. გალაგანი გაქვდილი იყო მოღრესასწაულე ხალხით. საქალებს წინ ბევრე გადმომდგარიყვენ თავადიშვილის ქალები და უცქეროდენ ხალხის მხიარულებას. მათ მოშორებით საყდრის განის კარებთან შექუჩებულოყვენ აზნაურები. რევაზ შემოვიდა თუ არა საყდრის გალაგანში, ხალხმა გზა მისცა. „ბაკურიძე მოხდნაო! — გაისმა ხალხში, რომლის მომეტებული ნაწილი მისი ყმები იყვენ და ყოველ მხრით უკრავდენ თავს. ბაკურიძე ცხენ და ცხენ მივიდა საყდართან, სადაც მოგროვილიყვენ სხვა-და-სხვა ოჯახში სტუმრათ მოსულნი თავად-აზნაურნი, ჩამოხტა ცხენიდან, რომელიც თავის ხლებულს მიბარა და პატივისცემით მიესალმა საზოგადოებას, რომელმაც თავის მხრით მადლობა გადაუხადა და დღესასწაული მიულოცა. შემდეგ ბაკურიძე შევიდა საყდარში, ცოტა ხანს იდგა ღვთისმშობლის ხატი წინ, ტუჩებს ანძრევდა, თვალებს ზეცსკენ აპყრობდა, პირჯვარს იწერდა და მუქს გულში იბრაგუნებდა, ეტყობოდა, რომ გულ-მოდგინეთ ევედრებოდა თავის სალოცავს. შემდეგ ემთხვია ხატებს და გამოვიდა გარეთ.

საყდრის გალაგანში დიდი მოლხენა იყო. ზოგან ფერხული იყო გამართული, შიგ ჩამბულიყვენ ქალი და კაცი და იმღეროდენ „ორი დედა, შემოუარეთო“. ზოგან ჯგუფ-ჯგუფათ იდგენ ქალები და კაცები, ტაშს უკრავდენ და საცეკვარს იმღეროდენ, იქვე წრე გაეკეთებინათ და ქალ-ვაჟი თამაშობდენ. ერთგან ჯირითი გაიმართა. თავად-აზნაურობა გაიყო ორ ნაწილათ და ერთი მეორეს იწვევდენ ცხენ-და-ცხენ ჯირითში. ერთი მხრიდან გამაჰქენებდა ახალგაზდა ცხენოსანი და მსწრაულ უკან გაიბრუნებდა ცხენს, მას გამოეკიდებოდა მეორე და სტყორცნიდა ჯირითს, პირველი ცდილობდა, ნატყორცნი ჯირითი აეცილებინა თავიდან; ხშირათ მოხდებოდა, რომ უკან გამობრუნებული და გაქცეული ცხენოსანი უცბათ მოუტრიალდებოდა თავის მდევარს და ესროდა ჯირითს. ამ დროს გატარებაში მოხდა ერთი უბედურება; თავადმა მხეციამ თავად ჩაფხუტაძეს ჰკრა ჯირითი, რომელმაც უნაგრის უკანა ტახტა შეამტერა და ისე მწარეთ მოხვდა კუკუხოზე, რომ ჩაფხუტაძე გადმოეარდა ცხენიდან და მკლავი იღრძა, შეიქნა არევე-დარევა. თავ. ჩაფხუტაძის მომხრეებმა თავ. მხეციას მომხრეებს ჩხუ-

ბი მოუნდომეს, და რომ ბაკურიძე არ გარეულოდებოდა ორივე მხარე არ დამშვიდებინა — ბევრი უბედურება მოხდებოდა. აქა-იქ გაიეღვა ხმალიც, მაგრამ, მადლობა ღმერთს, სისხლი არავის გადენია. დაშომანდა ჩოჩქალი. სტუმრები წაიღ-წამოვიდენ. ბაკურიძეს და ანასტასიას სამოცი ცხენოსანი გამოჰყვა, ბევრი მათგანი დაუპატიჟებელიც იყო, მაგრამ ეს ბაკურიძემ პატივისცემათ მიითვალა, რადგან ფაქრობდა გულში, ალბათ სხვასთან წასვლას ჩემთან მოსვლა არჩესო და ამით დარწმუნდა, რომ მისი ოჯახი ყველაზე უფრო დიდებული იყო, რადგან ყველაზე მეტი დაუპატიჟებელი სტუმარი მას მიუდიოდა ყოველ წელს. ცოტა ხანს იქით ბაკურიძის ეზო ცხენითა და კაცით აივსო. სახლის პატრონმა მაშინვე გასცა ბძანება დიდი თივის ზენი წააქციეთო, რომ სტუმრების ცხენები მშიერი არ დარჩენო. მართლაც, იმ დღეს ოცდა ათი ფუთი თივა არ ყოფნიათ. სადილათ დასხდენ სასტუმრო დარბაზში სამოცდა ათი კაცი გარდა სტუმრების შინაურებისა, რომელთა რიცხვი კიდევ ზედ მეტი ოცდა ათამდის იყო. ისინი ცალკე ისხდენ მოლზე გაშლილი ტაბაკებით. სტუმრების შინაყმებს ბაკურიძის მოსამსახურეებმა აძალებდენ ღვინოს.

ღვინო ძალიან დიდ ხანს გაგძელდა. დიდი სიმღერის ხმა გამოდიოდა სასტუმროს დარბაზიდან, მაგრამ მოსამსახურეებსაც ძალიან დიდი მხიარულება და სიმღერა შეექნათ გაშლილ მინდორზე ლაქვარდ ცას ქვეშ. ამ წმინდა ჰაერში მეტი ღვინოც დაილია. სტუმრები ისე შეექცენ ღვინოს, რომ თემობაც გამოეპარათ სადილს უკან საყდარზე, თუმცა იქიდან საყდრის ბუკის ყვირილი ხშირათ მოდიოდა ბაკურიძისას.

ის დღე ისე დაღამდა, რომ სტუმრები არ ამდგარან სადილიდან. რომ შებინდდა, მხოლოდ მაშინ გააჩინეს დიდი ყანწებით ღვინის სმა. ეზოში მოქეიფენიც არ აკლებდენ ხელს. ისინი თუ მეტს არა, ნაკლებ ღვინოს არ ითხოვდენ ხელოსნიდან. ქალები, რასაკვირველია, კაცებს თანასწორობას ვერ გაუწევდენ მოლხენაში. ისინი დიდი ხანია წამოადგენ სუფრიდან; ზოგი ეზოში ისხდა და მუხიკის ხმაზე ცეკვავდა, ზოგი კი დალაღული სხვა-და-სხვა ოთახში განისვენებდა. ბევრ სტუმართგანს მოჰკიდებოდა ღვინო და სადღაც ეზოში დაგდებულოყო უგრძობლათ; დარბაზში დარჩენილიყვენ მხოლოდ ქირვეუ-

ლი მსმელები და ერთმანეთს არ უთმობდენ ალაგს. თითოეული ცდილობდა თავისი მოპირდაპირე აეყენებინა სუფრიდან და გექცია. კიდევ გაქცა ბერი, დარჩენილიყვენ ცოტანი, რომელთაც არც ძლიერ დატრობას ეშველა რამე, არც იმათ სუფრიდან აღგომას. ღამე კარგა ხანი იყო გასული. უეცრათ დარბაზში შემოაშუქა არაჩვეულებრივმა სინათლემ. ამ დროს მოისმა ეზოში მყოფი ქალების კვილე-ჩხვილი და კაცების ჩოჩქოლი. — არიქა, უშველეთ, ბოსელს ცეცხლი ეკიდებაო! — ყველა ამას იძახოდა და არც ერთს კი თავი არ ჰქონდა თვითონ მიშველებისა. ბაკურიძე წამოხტა ზეზე სუფრიდან თოფ-ნაკრავ დათვით, გამოვარდა გარეთ და შეჰძახა: — შიუკა, ბიჭებო, არიქა, მიშველეთ!.. ჩემი ბედაური!.. პირიმზის ბაჩა! ანასტასიას „კეანწია“! (ცხენის სახელია) გამოიყვანეთ!

ბაკურიძემ მარდათ ჩამოიზბინა კიბეზე და გაეშურა ბოსლისკენ, რომელსაც ამ დროს მთელ სახურავზე მოდებოდა ალი და სახლის კედლებზე დიდი ალის ჩირალი გამართულიყო. დაინახა თუ არა მან ეს მოვლენა, ერთ წამს შედგა; „ეს რა ამბავიაო! — გაიფლო გულში. — ბოსელს ძირიდან უნდა გაჩენოდა ცეცხლი და აქ კი პირდაპირ სახურავს მოკიდებიაო“... მაშინვე მიხვდა, რომ ეს განზრახ გაჩენილია და ერთმა მწარე აზრმა ააღლეა მისი არსებობა: — იმ საძაგელ პეტრიელას არ მოეხდინოს ეს ამბავიო! ეს ეჭვი რომ მართლა გამართლდეს, მერე სად უნდა წასვლა იმ ჩემი ცოდვით საეჩეს? კბილით დავკლავ, ლუკმა-ლუკმათ აგუწავ, მის ოჯახს ავაფორიაქებ, დედა მისს ანწუხებ წამოვაცხეინებ... მის დას ცხენის კუდზე გამოვამეინებ და ისე დავაკლავინებ!.. ჩემი ბედაური, თუ ღმერთმა ქნა და ახლა ვადავარჩინე, ცეცხლში არ დამეწვა... ასეთი ბრაზ მორეული სიტყვებით გაექანა ის ბოსლისკენ და შეხვდა, რომ ცეცხლს თან და თან უფრო გაჰქონდა გუჯუნ-გუჯუნი. შიკ დაბმულმა ცხენებმა თითქოს იგრძენეს, რაც უბედურება მოელოდათ, შექნეს ჭიხინი და ფეხება ბაგაზე უბრაკუნებდნენ... შიუკა და ზოგიერთი შინაყმები დიდი ხანია შევარდნილიყვენ ბოსელში და ცდილობდნენ ს.ჩქაროთ გამოეყვანათ ცხენები გარეთ, მაგრამ არც ერთი მათგანი ადგილიდან არ იძვროდა. ისინი მხოლოდ ერთ ადგილს ტრიალებდნენ, ჭყიოდნენ და არ უნდოდათ გარეთ გამოსვლა, თითქოს სურდათო თავი შეეწირათ გვენია ცეცხლისთვის.

ამ დროს მივარდა ბაკურიძე კარებთან: „შიუკა, ზარი უთხაროთ ცხენებს, ზარი, თვარა ისე ვერ გამოიყვანთ. ცეცხლის შიში აქეთ. თვალეები აუფარეთ, ყურები დაუბუგეთ, რომ ცეცხლის გუჯუნი არ ესმოდესთ, იქნება მაშინ გამოიყვანოთ“. მართლაც ბი-

ჭებმა აამაღლეს ზარის სიმღერის ხმა, თვალეები აუფარეს და ლურჯა თითქოს გამოერკვა, გამოვიდა გარეთ ბოსლის დერეფანში, იქიდანაც მალე მინდორში გააგდეს და ახლა შეტრიალდნენ ისე სხვა ცხენების გამოსაყვანათ, მაგრამ ამ დროს ჩამოინგრა დამწვარი სახურავის გადასაკიდები და ლარტყები დააწვა ჭერს, რომლიდანაც ჩამოსკდა ძირს კომლი და ცეცხლის ალმა ლოკვა დაუწყა ჭერის ფიცრებს. ახლა კი ველარაინ გაბედავდა ბოსელში შესვლას.

— ვაი, შენ ჩემო თავო, ცხენები დამეწვაო! — შემოიკრა თავში ხელი ბაკურიძემ და ხუტუქა თმა დაიგლიჯა. ამ დროს იგრიალა ჭერმა, კვამლი და ალი ბურქეთ ამოვარდა და გაანათა მთელი მიდამო მთავორები. პირიმზის ხმა-მაღალი ტირილი მოისმა. „ჩემი ბაჩა, ჩემი კარგი ბაჩა!.. რაღა მეშველება, რაღა შეეჯდებ!.. რა კარგი თოხარბიკი იყოო!“ ყმაწვილის წიელს შეუერთდა ქალების კვილი და ხალხის რუხრუხი. მთელი სოფელი მოატყდა ბაკურიძის ეზოს; დიდი ხმინობა ატყდა. ისინი შენებადასაღით გარს შემოხეოდნენ, მაგრამ არაინ კი არას აკეთებდა. შიუკა ჭირისუფალსაღით განზე გამდვარიყო ღიძახოდა: „ვაი, შენ ჩემო ბატონის ცხენებოო?“ ყველანი თანაგრძნობის სიტყვებს ამბობდნენ, ზოგი ამბობდა ბოსლის ბუნარში ნაკვერცხალი დარჩენილიყო, ერთ სტუმრის ხლებულს ყალიონი აებოლებინა და ნაკვერცხალი უჩინრათ თივაში ვადავარდნილიყოო; ზოგი კი ამბობდა, მტრობით არის ცეცხლი გაჩენილი, თვარა პირველათ ალი სახურავიდან როგორ ავარდებოდაო. ამ დასკენას ერთი სოფლის გლეხი კიდევ ასაბუთებდა იმითი, რომ იმ დროს, როცა პირველათ ალი ამოვარდა ჭერიდან, ერთი ვინლაც ჩოხ-ანი დაინახე, რომ სოფლისკენ ვარბოდაო. ასეთმა უსიამოვნო შემთხვევამ ბაკურიძის სტუმრებს და მასპინძელს იმ დღის ღმინი წაამწარა. ცეცხლი გათენებამდის არ დანელებულა. ბაკურიძე ისე ბოსლის დაწვას არ შეუწუხებია, როგორც კარგი ჯიშის ცხენების დაკარგვას. იმ დროს ქვენამხარში სახელგანთქმული იყო სახუცის ჯოგის ცხენები, რომელნიც ყარაბალულისა და ქვენამხარის ცხენების ჯიშისგან შთამომავლობდნენ, განსაკუთრებით შესანიშნავი იყვენ წმინდა ოქროს ფერი მორჩილი ლამაზი თავკისრიანი და ირემივით წვრილი ფეხებიანი ცხენები. ესენი იყვენ ღონიერნი, ჯაფის ამტანნი, მომთმენნი და სწრაფნი. ბაკურიძე უფრო იმას ჯავრობდა, რომ ანასტასიას ცხენი, ოქროს ფერი ჭაკი ბედაური, პირდაპირ ზემოხსენებულ ჯოგიდან იყო გამოყვანილი. მას სასინანულოთ ის მიაჩნდა, რომ მისი ჯიშის ჭაკს აწ ძნელათ თუ იზოვნოდა.

გ. წერეთელი.

(შემდეგი იქნება).

დაუსრულებელი სტიპენდია და საუცხოველო სამშობლოს სიყვარული.

„ძვირფასო ჩემო მსახრე, (?) რომელი ერთი გითხვას შიშისკენ გარდასვლას, მით უმეტეს, რომ ყოველი ჩემი სიტყვა გამხრეების მაგიერ უფრო დაგაგადებს, წყლულს გიმუშავებს მხოლოდ, შიშ-კი ვერ შეუგნავს, ვიმ ქართულბას! (სტილისტური მანუში „ივერიის“ ქართულისა!)


სტ. ყაზახაშვილი „ივერია“ 1898 წ. № 76.

მბილისის სათავად-აზნაურო სკოლის კომიტეტი კარგა ხანია, მგონი, მესუთე წელიწადი იქნება, რომ სტ. ყაზახაშვილს უგზავნის და უგზავნის სტიპენდიას. რა გასაკვირველია, რომ ძვირფასი იყოს მისთვის სამშობლო, რომელიც სათავად-აზნაურო კომიტეტის მეოხებით ასე გულ-უხვით აჯილდოვებს მის სიზარმაცეს. სტ. ყაზახაშვილი პირველათ საექიმო ფაკულტეტზე ბრძანდებოდა. შემდეგ აღარ მოეწონა და გადავიდა ფილოლოგიურზე. ფილოლოგიურზე დაჰყო სამი წელიწადი; ჩათვლილი აქვს კი მართო ნახევარი წელიწადი. ბოლოს არც ეს მოეწონა. 1897 წლის 4 ნოემბრიდან ყაზახაშვილი აღარ ითვლება უნივერსიტეტში. კომიტეტი მაინც უგზავნის სტიპენდიას. წარსული 1898 წლის მეორე ნახევარში სტ. ყაზახაშვილმა გაიტანა თავის დოკუმენტები იურიევის უნივერსიტეტიდან და გადავიდა პეტერბურგის უნივერსიტეტში აღმოსავლეთის ენების ფაკულტეტზე. კომიტეტი უგზავნის და უგზავნის სტიპენდიას იურიევიში. აქედან რალაც „მანქანის“ ძალით ფულები პეტერბურგში გადადიოდა. ეთქვით, სტ. ყაზახაშვილს არც აღმოსავლეთის ენების ფაკულტეტი მოეწონა და გადავიდა კიდევ სხვა ფაკულტეტზე. უნდა ვიფიქროთ, კომიტეტი კიდევ გაუგზავნის სტიპენდიას. როგორც გავიგეთ ამ დღეებში, ყაზახაშვილი ისევ გადმოდის იურიევის უნივერსიტეტში. კიდევ რომ გადავიდეს სხვაგან? კიდევ გაუგზავნის. ერთი სიტყვით მანამდის უგზავნის, სანამ არ მოეწყინება და ან სანამ თვითონ ყაზახ. არ იტყვის უარს. ყაზახაშვილი კი რათ იტყვის უარს, ფულებს ვისთვის უწყენია? გამოდის—ეს დაუსრულებელი სტიპენდია ყოფილა—იგივე პენსია. ამისთანა სტიპენდიისთვის კი მართებს სტ. ყაზახაშვილს დაგვიძახოს—სამშობლო მიყვარსო. ამ სტიპენდიის გამო სათავად-აზნაურო სკოლამ უკანასკნელათ ორი ბავშვის აღზრდაზე მაინც უნდა აიღოს ხელი. მარა ვინ იცის, იქნება ს. ყაზახაშვილს უნდა რამდენიმე ფა-

კულტეტი მოისმინოს, საშინლათ დაიტვირთოს ცნიერებით და მერმე დაბრუნდეს „თავის ძვირფას“ სამშობლოში, მის საშველათ, სახსნელათ, მაგონდება ყაზახ. სიტყვები, რომლითაც მან მიმართა ერთ ჩვენ ამხანაგს, როცა ის დაეჭვდა ფაკულტეტის არჩევაზე—„შამოდი, კაცო, ფილოლოგიურზე, — რაც უნდა იყოს, სათავად-აზნაურო სკოლაში მაინც მოგცემენ ადგილს“—ო. კიდევ უკეთესი. ეს იმისთანა სტიპენდია ყოფილა, რომელიც თბილ ადგილს ზედ მოგაკრავს, სულ რომ თითი არ გაანძრიო მაინც. ¹⁾

გ. გელეიშვილი.


ქ. იურიევი.



წერილი იურიევიდან.

პატარ ქალაქია იურიევი. პირველ შესვლაზედვე ამჩნევთ, რომ განსხვავებული ელფერი ადევს აქაურობას. სხვა ეროვნობასთან გაქვთ საქმე, სხვა ენაზე გესმისთ საუბარი, სულ სხვა კულტურა გიდგათ თვალწინ, ალბათ აქაური კულტურა ისეთი მძლავრი ყოფილა, რომ მისი მოხრა და სხვა სახისამებრ მოქნა შეუძლებელი ყოფილა. დიან ეს ასეა, მაგრამ, მიუხედავთ ამისა იურიევიში ცხოვრება მაინც მოაღუნებულა. ვერსად ცოცხალ მოძრაობას ვერ ხედავთ, რომ თქვენი ყურადღება მიიზადოს. რამ უნდა ასაზრდოოს აქ ახალთაობის გონება? ნუ თუ მართა უმაღლესი სასწავლებლის კედლებია საკმაო, რომ კაცი ცხოვრებისათვის მოემზადოს? — ევკითხები თავს და კითხვა კითხვათვე რჩება, რადგან ჩვენთვის დახშულია ყოველივე საუკეთესო გზა და ძალაუნებურათ უნდა შეუროგდე იმას, საცა პირველათ თავი ამოგიყვია. ამ განზრახვით შევიდვიარ ზანტათ აუღი-ტორიაში და ვისმენ ლექციას. ლექცია ნემენცურ ენაზეა. რა აღტაცებით, რა მღელვარებით გვესაუბრება პროფესორი; ის ამ უცხო ენაზე სრულათ იზიდავს ჩვენ ყურადღებას, გვაგებიებს მეცნიერების შინაარსს. თვითონაც ეტყობა მეცნიერება სატრფილო საგნათ გაუხდია, და მას ფარმალურათ, ჩინოენიკურათ არ უყურებს. ერთი სიტყვით ევროპიულ სფერა-

1) ბევრ ერთი თვე იქნება, რაც ეს წერილი მივიღეთ, რომელსაც ამოწმებენ სხვა სტუდენტებიც თავისი ხელის მოწერით, მარა მიუხედავთ ამისა მისი დაბეჭდვა მაინც არ გვინდოდა. ასეა კი, რაც იურიევის 21 სტუდენტმა ყაზახაშვილის და კომპ. ჩაგონებით „ივერიაში“ გამოაქვეყნეს, ჩვენ იმულებული ვარ დაბეჭდვით, დეესაზრგადობამ იცოდავს მათი გინაობა. რედ.




ში ვიგრძენ თავი და ცოტა გულგაკეთებულმა ლექციის შემდეგ სტუდენტობას დაუწყე თვალჩინება. სტუდენტობაც განსაკუთრებულ უზრადლებას იქცევს: რაღაც სხვა-და-სხვაობა იხატება მასში. ცალკე ჯგუფებათ დანაწილებულან ტოთქოს ერთი მეორეს ერიდებიან, თითქოს ეუბნებიან კიდევ ერთმანეთს: ჩვენში საერთო არა არისრაო. ერთი სიტყვით აშკარათ ჩანს, რომ სტუდენტობაში რაღაც დიფერენციაცია მომხდარი. მერე რამ გამოიწვია ეს? თითქოს ერთგვარ რამეს წარმოადგენს იურიევის ცხოვრება და ნუ თუ ამ ერთგვარობას ასეთი დანაწილება სტუდენტობისა შეეფერება? იქნება ეს იმიტომ არის, რომ აქ სხვა-და-სხვა ეროვნების წარმომადგენელთ მოუყრიათ თავი და ერთი მეორისაგან ისე განიჩხვიან, როგორც ნემცები, ესტონელები, ლათიშები, პოლონელები, რუსები და ქართველები? მაგრამ არა! ეს დიფერენციაცია უფრო სხვა ნიადაგზე არის აღმოცენებული და ეს ეროვნულ სხვა-და-სხვაობას ერთიანათ ჩრდილავს.

მაშ უკუღმა დავიწყოთ და სტუდენტების საშუალებით მოკლეთ გავიცნოთ ის პირობები, რომელთაც ისინი დაუნაწილებია, ერთი მეორისაგან დაუშორებია.

დავიწყოთ ნემცებიდან, რადგან ესენი აქ უმრავლესობას შეადგენენ. უმეტეს ნაწილათ ესენი მსხვილი მესაკუთრებია. მესამოცე წლებამდის ესენი აქ ფეოდალური უფლებებით იყვენ აღჭურვილი, ესტონელები და ლათიშები იმათი ყმები იყვენ. მსხვილი საკუთრება ახლაც შერჩენილი აქეთ. დღეს ამათ თავისი მოთხოვნების დასაკმაყოფილებლათ შორს არ უხდებათ სიარული, განცალკევებით არიან და მათი ცხოვრება ახლაც ფეოდალურ კარჩაკეტილობას მოგვაგონებს. ამიტომ ცალკე არიან ნემცი-სტუდენტებიც; მათ დაარსებული აქეთ თავისთვის ორგანიზაციები და საკუთარ წესდებას ემორჩილებიან. სხვა სტუდენტების საერთო ან კერძო საქმეში არაერთარ მონაწილეობას არ იღებენ, ხოლო, თუ იმათ მფარველობას ვინმე იკისრებს, ისინი სამოწინებით მიიღებენ. ამგვარი კარჩაკეტილობა მათ ხელს უწყობს წმინდათ დაიცვან ზოგი ძველი თვისებები, როგორც მაგ. სტუმართ მოყვარება, ძმობა, ერთობა, ნდობა და სხვა. იშვიათათ მოხდება, რომელიმე მათგანმა ერთი ამ თვისებათაგანი დაარღვიოს

და, თუ ეს მაინც მოხდა, დამნაშავეს ისე დასჯიან, როგორც მიღებული იყო „ძველებურ თემში“. უმეტეს ნაწილათ განცხრომაში ატარებენ დროს; მათში დღესაც შეხედებით ისეთ გასართობებს, როგორიც არის „ფენტოვანიე“, ღუელი და სხვა გვარი ფიზიკური ეარჯიშობა, რითაც ნემცები უფრო საშუალო საუკუნოების რაინდებს მოგვაგონებენ. ნემცებში სუფევს უფროს-უნცროსობა, რომელიც ჩამომავლობაზე დამყარებული და არისტოკრატიული ხასიათი აქვს. ამის შესაფერისათ კორპორაციებში არის რამოდენიმე ხარისხი, რომელიც უნდა განვლოს ყველა ახლათ შესულმა. უფრო საყურადღებოა მდებალი ხარისხი — „ფუქსი“ — რომელსაც ასწავლიან, თუ როგორ უნდა მოიქცეს უფროსთან, უნცროსთან და სხ. კორპორაციებს ისეთი გავლენა აქეთ თავის წევრებზე, რომ იმათში გატარებული დრო არ ავიწყდებათ ნემცებს არც სტუდენტობის შემდეგ — ცხოვრებაში. ამას ამტკიცებს კორპორანტების დღესასწაული, რომელზედაც შორი ქვეყნებიდან მოდიოდენ თურმე ყოფილი კორპორანტები და ალტაცებით ეგებებოდენ თავის დღესასწაულს.

ზემოთ ჩვენ მოვიხსენიეთ ნემცების კორპორანტების სტუმართ მოყვარება, და სტუმრებსაც ბევრს შოულობენ ისანი. ავილოთ მაგალითათ ესტონელები და ლათიშები. არც ერთი და არც მეორე არ შედგება მსხვილი ფეოდალური მესაკუთრესაკან, პირიქით ესენი მესამოცე წლებამდის ნემცების ქვეშევრდომები იყვენ ეკონომიურათ; იმათ ყმებს წარმოადგენდენ. ამიტომ რა თქმა უნდა არც წინეთ და არც მას შემდეგ, რაც განთავისუფლება მოხდა ბატონ-ყმობისა, ამათ საერთო არა ჰქონდათრა ნემცებთან; დღესაც ზიზლით უყურებენ მათ. მხოლოთ არის ნაწილი ესტონელებისა, რომელსაც მესამოცე-და-ათე წლებიდან საფაბრიკო მრეწველობისათვის მოუკადნია ხელი, ფული შეუძენია, მცირე ბურჟუაზიათ გადაქცეულა, ბურჟუაზიული მოთხოვნები შეუთვისებია და ბოლოს თავისი ეროვნული არისტოკრატია მონდომებია. უთქვამს უბედურია ის ხალხი რომელსაც თავისი არისტოკრატია არა ჰყავსო და ნემცებს მიჰყვდლებია. ნემცების კორპორაციებისაკენ მიილტვიან ამათი მხრიდან გამოსული სტუდენტებიც, რომელთაც თავის სახელმძღვანელოთ კორპორანტების წესდება აქეთ გადმოღებული. ამ გვართ ის



დამორებიან ისევე თავიანთ თანამემამულეებს და ყუ-
რადღებასაც არ აქცევენ იმათ ზიზღს. სწორეთ ამას-
ვე ეხედვით ლატიშებშიაც: ესენიც ამ გვარსავე ნია-
დაგზე ორათ არიან გაყოფილი. ერთმანეთში საერთო
არა აქვთრა. ერთი მხარე კორპორანტებს ეკუთვნის,
მეორე ამათგან განცალკევებულია. ესენი არიან აქა-
ური მკვიდრი ელემენტები. ეს არის აქაური პარტი-
ობა, — პარტიობა რომელსაც ეკონომიური ფაქტორი
ატრიალებს, რომელიც ინტერესებზეა აგებული, რომ-
მელსაც კლასობრივი ანტაგონიზმი შეგვიძლია ვუწო-
დოთ. ეს ანტაგონიზმი ჩრდილადე) ყოველივე ეროფ-
ნულ გრძნობას.

როგორ უჭირავს ამ დროს აქ თავი გარეშე
სტუდენტებს, რომელნიც შორი ქვეყნებიდან მოსუ-
ლან აქ სწავლის მისაღებათ? როგორ და ესენიც სა-
ერთოა ფერხულში ერევიან. თავი მოქმედების
ფაქტორი, იმისი გეგმა, იმათ თავისსავე სამშობლო-
დან აქვთ წამოღებული და იურივეში ყოფნის დროს
ზოგი მათგანი პირველ შემოხსენებულ მხარეს უმე-
გობრდება, ზოგი მეორეს და ამგვარათ მათშიაც ბუ-
ნებრივათ ისახება ანტაგონიზმი.

ავიღოთ მაგალითათ პოლონელები. ამათში
ბევრია ისეთი, რომელსაც რთული მოთხოვნი-
ლებები აქვს, ფართოთ ცხოვრება უყვარს და ამ-
კარათ ეკედლება ნემცების კორპორანტებს და სა-
ერთო არა აქვსრა თავის თანამემამულეებთან. ცოტა
რამ რუსებზედაც, მაგრამ — დროა გადავიდეთ ქართვე-
ლებზე.

ქართველებმა აქ ერთი წლის წინეთ მოიყარეს
თავი. საჭირო იყო რომ ქართველებს ამ უცხო ქვე-
ყანაში გამოერკვიათ თავისი მდგომარეობა, საზოგა-
დობის ყურადღება მიექციათ. ამან გამოიწვია ის,
რომ აქ ქართველმა სტუდენტებმა გამართეს საღამო,
ვითომ საქველმოქმედო მიზნით. აი ამ საღამოს შემ-
დეგ იწყება ისტორია ქართველი სტუდენტებისა იუ-
რივეში. საღამოს მიზეზით მოხდა ის, რაც უნდა მო-
ქმდარიყო და რასაც, შეიძლება, სრულიადაც არ მო-
ელოდე) აქაური ქართველი სტუდენტები. საღამომ
იურივეში მართლაც ალაპარაკა ხალხი, ალაპარაკა,
მაგრამ ორ ნაირ კილოზე კი. ერთი მხარე აქაური
სტუდენტობისა ქება დიდებას ასხამს ქართველებს,
ჭადგან საღამო მდიდრულათ იყო მოართული; მეო-
რე კი ამავე მიზეზით ზიზღით იხსენიებს ამავე ქარ-

თველობას. ალბათ შეძლებულთათვის მდიდრულ
გემოვნება აუცილებელი მოთხოვნილება ყოფილა,
შეუძლოთათვის კი შეუფერებელი და მიუწლო-
მელი. ერთი სიტყვით მეორე მხარეს აქაური
სტუდენტობისას ნათლათ დაუნახავს, რომ ქარ-
თველებთან მას საერთო არა აქვსრა. ახლა რას
ნიშნავს, რომ ქართველ სტუდენტებს აქ თავი მოს-
წონთ ერთი მხრივ ქებადიდებით და ვერც კი ამი-
ნევენ მეორე მხრივ უკმაყოფილობას? რას ნიშნავს.
რომ ყურადღებასაც არ აქცევენ თავისივე თანა-
მემამულეების განცალკევებას. უკანასკნელებიც უკ-
მაყოფილოთ დარჩენილან, რომ ქართულ სალა-
მოს უმთავრესი შემოსავალი ისევე საღამოს მდი-
დრულ მოწყობას დაჭირდა. ამ ნიადაგზე მომხდარა
ქართველ სტუდენტთა შორის ანტაგონიზმი. ესეც
შინაარსი შემოხსენებული ისტორიისა, რომელმაც ჩვე-
ნი საზოგადოების ყურამდისაც მიიღწია კარგი ხანია.
მაშ აქაც იგივე ფაქტორი? — აქაც ინტერესები? — მე-
რე სად არის ის დიადი გრძნობა — გრძნობა ეროვნუ-
ლი, რომ აქ, ამ უცხო მხარეში მცირე რიცხვს ქარ-
თველებისას ერთი მეორეს ვერ უკავშირებს? კლა-
სობრივი ანტაგონიზმი განა ჩვენში თავს არ გვაბეზ-
რებს, რომ აქაც თავი იჩინა? რა დღეს მოვესწარიო!
რა ხანა დაგვიდგა! — მაგრამ რა გაეწყობა ყველაფერს
თავის მიზეზი აქვს და ისევე გული დავიმშვიდოთ.

იურივეის ქართველ სტუდენტთა შორის ასეთი
ანტაგონიზმი არ არის არა ნორმალური მოვლენა,
ქართული საღამოს მდიდრულათ მოწყობა თვითონ
მათსავე ინტერესებს და გემოვნებებს შეეფერებოდა.
მუშტი კრივითაც ზოგიერთ მათგანს ქართველური
ვაჟკაცობა, ძველებური მამაცობა გამოუჩენია და ნუ
თუ ამაზე ისინი ვასაკიცხავი არიან? ნუ თუ საყვე-
დურის ღირსი არიან ისინიც, ვინც ამის გამო უკმა-
ყოფილოთ დარჩენილან და გაზეთების საშუალებით
ჩვენი საზოგადოებისათვის შეუჩიელიათ, რომ ის სტუ-
დენტობა, რომელზედაც მაღალი შეხედულება არსე-
ბობს ჩვენში, ასე იქცევა უცხო ქვეყანაში, ასე ახა-
სიათებს უცხოელების თვალში იმ კულტურას, რა-
საც დღეს ბოლო ედება ჩვენში.

ჩვენ კი, ახლათ ჩამოსულ ქართველებს, აქ მომ-
ხდარი განხეთქილება პირად ინტერესებზე გვეგონა
აგებული და ერთ შევნიერ დღეს იმ დასკვნამდის მი-
ვედით, რომ აქ ქართველ სტუდენტთა შორის მომ-

ხდარი უკმაყოფილობა ჩირქსა სცხებს ყველა ქართველ სტუდენტს, ვინც კი როდისმე ამოჰყოფს თავს იურიფიკის უნივერსიტეტში. ჩვენი ვალია ეს ჩირქი ჩამოვიტოვოთ. ჩვენ რომ შეგნებულნი გვქონდა რომ ხსენებული განხეთქილება სრულიად ბუნებრივია და ამით არაფერს ჩირქი არ ეცხება, მაშინ ასეთი უტოპიური აზრი თავში არ მოგვივიდოდა და მის განსახორციელებლათ დონკინოტურ მოქმედებას არ დაეწიებდით. უწინარეს ყოვლისა, არც აქეთ არც იქით, ინსტიტუტურათ დაეუახლოვდით ერთ მხარეს ქართველ სტუდენტებისას, (უმრავლესობას) მეორეს პირ და-პირ დამნაშავეთ ეხედავდით და გაცნობაც კი დაგვეზარა მათი. ამიტომ იმათ ბრძანების კილოთი მოვექცეთ, დაწერეთ რალაც უწყებასავეთ: „დორპატის ქართველ სტუდენტთა ჩირქის ჩამოსარეცხათ, მოდით და პასუხი მოგვეცით აქ მომხდარ განხეთქილების შესახებო.“.—ბრძანების კილო იმათ არაფრათ ეპრიანათ, და შამოგვითვალეს, თუ გნებავთ ამხანაგბივით მოგვექცეთ, თორემ თქვენი ბრძანების არა ვიცითო. ამ სიტყვებმა მოთმინებიდან გამოგვიყვანა, მაგრამ რას გავაწყობდით! რომ ეყოფილევით სხვა ქალაქში სადმე ამისთვის ძალიან დავსჯიდით, აქ კი ძალა უნებურათ „თავი დავიმდაბლეთ“ და ისევ წერილი გავუზახეთ. მეორეთ უარი აღარ გვითხრეს, მხოლოდ გეზხოვეს სადმე საერთო ბინაზე მოხდნდით, რადგან კერძო ალაგას ჩვენი მოწმები არ მოვლენო. იქ სტუმრებსავეთ მიგიღებთ და ყველაფერსაც გიამბობთო“. როგორ თუ სტუმრებსავეთ, განა ჩვენ ისინი სტუმრებათ გვიყურებენ, მაშინ როდესაც მაგათი უფროსები ვართო?—ამაყათ ვიძახნდით. მოესპეთ მათთან ყოველივე დამოკიდებულობა ამ საქმის შესახებ და ჩვენით შეგუდექით საქმის გამოკვლევას, მაგრამ რას გამოვიკვლევდით, როცა ხელში საუკეთესო საბუთები არ გვქონდა, ვისაც მიემართეთ, არაფერს გვანდო. მიემართეთ უფრო მკაცრ საშუალებას: ვიშოვნეთ ბევრი მომხრეები ზოგი სტუმართ მოყვარეობით, ზოგი რით და თამამათ მოეთხოვეთ საჭირო საბუთები იმას ვისაც იგი ჰქონდა, მაგრამ აქაც მოეტყუდით და ხელცარიელი დავრჩით. რა თქმა უნდა ამას ველარ მოვითმენდით და კიდევ ამიტომ ჩვენმა წარმომადგენელმა დევ-გმირმა საჯაროთ მუქარა გამოუტანა სტუდენტობას, ე. ი. იმათ ვინც ჩვენი სურვილი არ დაეკმაყოფილა. ამ მუქარის გამო ყველამ ექვის თვალით შემოგვხედა... ერთი სიტყვით აქაც ის მოხდა რაც უნდა მომხდარიყო: ჩირქის ჩამოსარეცხა გვიხდოდა და... როცა ხელიდან

გამოგვეცალა ყოველივე იარაღი, მაშინ ისევ მუშაობა კრივი ვახსენეთ და იმასთან გადავტანეთ ახელაცია.¹⁾

სტ. ს. ლევ—ნი.

„კვალის“ ფოსტა.

ბ. ნ. ელიაშვილს. ჩვენ „გაცრუებულ მკითხველს“ ასე მიემართეთ: თუ თქვენი ხელობის არ გრცხვენიათ, თუ თქვენ სიმართლედ განიტყვებთ და პასუხიც გინდათ, პირბადეს აიხლით თქვა. მას შემდეგ აგერთვე ნახევარი მიღის და მას არ აუბნა ფარდა. მაშასადამე, მას რცხვენია თავის ხელობის, მას მხოლოდ „აბლაკატობა“ აინტერესებდა და არა სიმართლედ და ასეთი კაცი განა პასუხის ღირსია? მან უკვე უარჰყო თავისი ნაწერი და ხომ იცით რუსული ანდაზა „დაწოლილს არ სცემენო“. აი, ამიტომ თქვენი პასუხის დაბეჭდვა იმ ვაჭბატონის უადგილო პატივისცემათ მიგვანჩნია.

ბ.ბ. ვ. მას—ლას და ი. ნ—ლას, ფალავას შესახებ ლაპარაკი კახანია გავათავეთ. ამიტომ თქვენი წერილები აღარ დაიბეჭდება.

ქ. ქუთაისი

აქიმი ნ. გ. ჭიჭინაძე

იღებს ავანტიურათ (ლევაშოვის ქუჩაზე ზეტრე ხარაზოვის სახლში, № 13) დილის 9—11 და საღამოს 4—6 საათამდის.

(10—1)

1) ჩვენ ეს წერილი მივიღეთ 12 დეკემბერს გასული წლისას. და თუ მისი დაბეჭდვა გავაჩერეთ—ეს იმიტომ რომ ვერადებოდით იურიფიკის სტუდენტების შესახებ ლაპარაკს. მანა ასეა, როცა ამ ვაჭბატონებმა ზეტრეზე აკებულნი წერილი ჩვენ წინააღმდეგ გამოილაშქრეს („ივ.“ № 56), ამ წერილსაც ვებეჭდვით შეუცვლელად. ავტორი ერთი წევრთაგანია ამ კომისიისა, რომელსაც ამ კითხვის გადაწყვეტა ჰქონდა მინდობილი.

რედ.

რედაქტორ-გამომცემელი ან. თ.-წერეთლისა.